



10807

金華詩錄卷十一

一元

許謙

謙字益之金華人少就學莊重如成人稍長讀書所涉向博從金履祥學致辨于分之殊以要其歸于理之一制行甚嚴浙東憲府聞其名辟以為掾不就肅政廉訪使劉庭直舉茂才異等副使趙宏偉舉遺逸皆辭屏跡東陽八華山中遠近學者從之著錄者千餘人隨其材分咸有

元

金華詩錄 卷十一

一

至元三年卒嘗以白雲山人自號世稱白雲先生賜諡文懿先是何基王柏金履祥傳朱子之學至謙而益著江浙行省請于朝建四賢書院

以奉祠事有白雲先生集

黃登卿白雲先生墓誌考諱觥淳祐丁未進士卒官玉管三首

樞密院架閣文字無子以從父兄貢士君曰宣次子嗣師先生也天姿高疑甫能言貢士君夫人陶氏授以孝經論語入耳輒不忘宋亡家毀僑居城闕借書于人以四部分而讀之聞金仁山先生講學蘭江上巽已而學焉是時年三十一矣請不拘常序就弟子列素多疾金先生病革徒步往省之會大雪中寒溼及奔兄喪于廣信疾增劇不果行三年冬十月疾復作謂其子元曰伯兄以是月二十三日卒我死殆與之同日乎及是日正衣冠坐門人朱震亨進曰先生視稍偏更肅容端視瞑年六十有八讀四書章句有叢說二十卷讀詩集傳有名物鈔八卷讀書集傳有叢說六卷其言春秋三傳有溫故管窺若干卷其觀史有治月尚書左僕射司馬光卒以光卒則宋之後不可復與有三傳義疏讀書記皆編立而未完諸生有日聞雜記未及詮次藏于家者有詩文若



于卷文主子理詩尤得風人之旨有自省編書之所為夜必書之追疾
革始絕筆云 數載略許元字存仁謙子恪守家教明祖王金華訪求
白雲之後召元與語大悅拜京學教授仍命入傅皇太子及諸王歲之
已始置國子學命為博士吳元年定國子學官制擢祭酒明之有國子
祭酒自元始乃設立教國子法為條數十皆見施行垂十年最見禮遇
既而浙江僉事程孔昭誣劾其失詔勿治安置韶州復遇赦還元在韶
即張曲江祠以居好事者繪
為南華謫居圖以相傳示

遣興

秋日常苦短秋夜不可闌葉鳴迅風晚蟲怨零露寒月
白天炯炯振衣起盤桓山川出浮萍翳彼明不完幽興
中道絕百感來無端何當誅豐隆致身無羽翰清光亦
何私不照方寸丹

猗猗澧有蘭馥馥沉有芷獵獵石上蒲汎汎水中芰鮮

金華詩錄

卷十一

二

鮮三徑菊旒旒百畝蕙采掇集衆芳燦爛成雜佩佩服
何所從將以待君子

春風榮衆芳秋露悴百草羲和策日月急疾兩飛鳥枯
桑號天風俛仰波浩渺氣流物隨化金石不自保人生
寄蜉蝣時邁胡不老天地有終窮微眇何足道

乾坤無停運清氣日夜生人居覆載間所息能不萌握
機養天和持守如奉盈得喪固有命寵辱何足驚一身
磐石重萬鍾浮雲輕丈夫有志願誰謂吾無成

石門洞

清溪護連山雙壁鎖幽洞初登憂徑險小入喜境空木

落後獲鷺叢卑禽鳥嘒磴行幾盤折仿佛天籟動蒼崖
倚空碧仰睇石流湏分張山露輕翕聚魯縞重變化態
萬千蔽地風雷闕粵從混沌鑿天造景已貢仙靈擅虛
寂緘閉未忍送賢哉康樂翁爲洗塵俗夢胡爲百年後
樂與來者共我來屬久晴泉瀉澀如凍巒氣噴林薄昧
目作寒霧舟子招我行風送纜欲縱後期當何時坐對
玉蟬螭謝康樂遊名山志石門洞六處石門迴水上入兩山口兩邊石壁石邊石巖下臨澗水宋劉涇遊記宋景平中謝靈運守末嘉蟬履得石門洞作詩遂爲東吳第一勝事按康樂有登石門最高頂石門新營所住四面高山迴溪石瀨茂林修竹夜宿石門諸作

華蓋山

羣山如斗形華蓋氣獨壯奮身地勢高日極天宇曠周

元

金華詩錄 卷十一

三

回萬象澄一一來獻狀中江漾孤嶼瀕海橫疊嶂樓臺
市中居棋列相背向烈風攬蒼林落日鳴白浪蜃氣薄
浮雲溟濛杳東望長濠浸寒水短楫起漁唱同遊豈特
達竟爾忘得喪山下出蒙泉夷坐待清漲一掬襟懷空
自謂羲皇上

中川龍翔興慶寺

孤嶼浮中川晝夜汨潮汐何年地維裂中斷洲渚失兩
峯峙東西蔽影互朝夕浮屠據稜層梵宇絢金碧飛龍
迫風雷曾此一憇息昔時榼杓居今作大士室了師擇
靈地爲假蛟鼉窟聚沙合舊港連亘如片石山扉夜無

關神物便入出亂流攜故老一一訪陳迹軒亭倚葭葦
濤浪傍几席豫章號淒風篠簜翳寒日憑高慨今古天
海相盪激景在人易非悠悠意何極

莫過東津館

薄莫下東津灘急舟劇箭漁燈互明滅隴月時隱見清
颺從東來涼氣襲我面目送兩山青天長淨如練

遊鍾山至八功德水

悠悠鍾山雲朝夕礙我目褰衣試一往行與雲相逐驅
馬出東門十里至山麓幽人昔已亡誰能繼芳躅猿鶴
乘古林颺颺嘯澗水彼哉西方人胡爲擅斯谷豈云事

元

金華詩錄

卷十一

四

幽棲政爾眩華屋泓泉抱何德濁熱供一沃巖回屐欲
倦小憇倚修竹涼颺自披襟佳興亦云足

按黃晉卿自雲先生
生墓誌副使趙公
宏偉舉先生遺逸固難道公在南臺官命除舍館迎致先生使眾
僚多士有所矜式欣然從之此詩當是赴趙公南臺之聘時作也

舟中雜興

冉冉江上蘆離離路旁草霜露侵衣裳何用涉遠道鴻
鴈方有序孤飛任林表豈不顧其羣長風翮難矯

亭亭嶺上雲元鶴相與飛俛啄戀故巢不得從雲歸秋
風颺黃葉飄飆各何之羸糧事遠遊在昔聞斷機棲鳥
辭茂林徘徊更依違悠悠兩江水共此明月輝

嵐煙紫萑巍波月光滉瀆白鷗與蒼鴈來往共簸蕩吳

潮海門濤飛雪噴秋響重重越山迎汨汨溪流上舟行
歷旬日佳景閱萬狀孤征抱結思所感動悽愴安得同
心人詠歌共清賞

採藥

亭亭北山松宿靄蔭深碧蒼根走虬龍巨榦盤鐵石平
生棟梁具不受霜雪厄兔絲得所附裊裊挂千尺流脂
入九地千歲化琥珀我欲掇其英俯仰費搜摘紅鑪轉
丹砂石髓變金液但恐茫昧間圖驥不可索意長時苦
促雙髻日夜白刀圭或可試習習在兩腋蓬萊三萬里
詎謂弱水隔他時來山中故老應不識

元

金華詩錄

卷十一

五

酬吳正傳

灑江揚清波秀氣得佳士學優言更卑神峻志無浚求
道本五經尙友論千禩文詞珠玉價璀璨光燄起焉能
逐倒瀾抱璞良有俟咸韶亂桑濮益益喜疊洗大道無
晦明斯人有臧否乾坤斡元化晝夜川逝水總總散萬
殊昭昭歸一揆巨細含分差毫釐辨疑似是中本卓然
可變非至理從容適中和極樂非可以某也獨何人佔
畢聊復爾瞞瞞謬黑白前卻昧所止輕塵棲弱羽簸蕩
天萬里日莫途且長心遠跡自邇佳篇出壯語三復興
愧恥古人吝許可名實貴相擬汝南月旦評一言定非

是顧茲藐末材譽論何足侈神交居非遙千里如一跬

意篤故不忘時能致雙鯉白雲先生答吳正傳書有云足下所示程子函養須用敬進學在致知兩言固學者

求道之綱領然致知當求其所以知而思得乎知之至非但奉持致知二字而已非謂知理之一而不必求于分之殊也此篇總總散萬殊略略歸一揆巨細含分

若臺臺辨疑似四語可與互相發明

酬潘明之

鴻鵠凌青霄燕雀巢白屋凌霄志寥廓巢屋亦云足故人渺天涯歲月如轉燭昔為交手歡今成斷腸曲嵩華

日以高江漢日以卑道異謀不同何用傷別離書成情

未盡路遠夢更迷相思溪水頭猶如送君時白雲先生答潘明之啓有云英

恣挺持德性剛明不倚富而驕人肯折節而下士襲傳家東萊之舊學讀淑人紫陽之遺書此秀才展拓得開積誠意豈有不動明之亦先生相與道義之交也又

元 金華詩錄 卷十一 六

有七言酬潘明之詩云九臯胎化頂未丹海門雲冷高飛難戛然長鳴飲清澗何當天風吹羽翰方壺員臙同盤桓

放權行

安溪湖平行權多黃頭豎見倚棹歌梅花照眼送寒色

酒暈著臉生春和炎涼世態翻覆手江水長靜風吹波

出門一笑天萬里白鷗浩蕩如吾何

題延月樓

崦嵫稅駕紅塵息玉鏡飛空天地白嬋娟先得何處多

齊雲翬翬高百尺清光無私照寰海舉頭千里明長在

主人欲占四時秋夜夜掀簾為延待人生見月幾圓缺

今昔人殊同此月人迷夢覺月晦明終古相磨寧暫歇

倚闌清嘯酒莫遲銅壺催曉輪易歛

遊龍回寺碧雲堂有何無適草書

蒼鱗作霖回壑裏竟化長岡飛不起何年老僧來卓錫
強架檐楹萬山底碧雲石梯如登天俯視竹樹臨其巔
巖巒起伏呈怪狀壯若羣馬奔吾前何仙仙去不復返
滿壁龍蛇驚醉眼可憐一半委塗泥况復阨危混苔蘚
山翁模搨妙入神永和繭紙且逼真勸君勿辭一日力
爲我畱爲百世珍君不見二王舊帖皆殘編至今不惜
千金傳

送方存雅遊永嘉

原在良功夫任永嘉文學約與
同往未幾功父沒今自爲此行

金華詩錄

卷十一

七

思遠樓前會昌湖花開十里紅芙蓉香消色盡水痕落
秋氣颯爽涵冰壺巨鼇戴山兩岐出中江屹立雙浮屠
潮聲來往撞晝夜惴惴不敢鳴鐘魚鴈峯南北插雲漢
千尺亂削青珊瑚靈巖怪壑山鬼祕木屐齒折終迷途
原注二蕩靈
運所未見先生遊歷亦已久目擊自勝遙披圖芹宮博

士舊膠漆待瓜未熟行與俱絕絃挂劍歲月改春風夢
遠意竟孤榻來清興復未罷束書負笈爰載驅永嘉興
學有祖述伊洛餘澤猶沾濡水心百年仰文獻心齋一
世稱範模詞章問學各有得耿耿輩出今豈無搜羅人
物覽世槩收拾佳趣歸奚奴平生遠游有志願局束不

得爲君徒待君，捆載珠玉富。敬誦想像聊爲誤。存雅卽鮑父其堂名
存雅也。先生又有次韻方存雅登八詠樓感舊詩云：簡編疑缺浩千萬，憑藉先知爲溫故。微詞正欲辨白馬古調，豈惟聽朱鷺。欹崎小徑勿敢遊，且向康莊問人路。
極推重之也。

馮公嶺

層巒疊嶂危相倚，亂若飄風湧秋水。寒松荒草間蒼黃，
照眼崢嶸三十里。初如井底觀天門，一峰巍然中獨尊。
縈回百折至絕頂，俯視衆嶺來兒孫。人言此山插霄漢，
馬不容鞭僕夫歎攀援。何異蜀道難氣竭，神疲背流汗。
熟視徐行路覺平，心寬意適步更輕。志須預定自遠到，
世事豈得終無成。我來正值窮冬月，倚杖巖前嚼松雪。
元

金華詩錄 卷十一

八

午店煙生野飯香，陽坡日近梅花發。寄語悠悠行路人，
乾坤設險君勿嗔。胸中芥蒂未盡去，須信坦道多荆榛。
姑蘇臺

姑蘇城上姑蘇臺，青山百里蛾眉開。平郊如掌思清遠，
昔人樂極曾生哀。大讐未復敵未死，壯志銷磨侈心起。
會稽捷甲功自多，種蠡深謀正未已。不知佳冶能傾國，
莫莫朝朝醉春色。忠臣扶眼視東門，越女還爲越人得。
只今興廢總成空，惟餘碧草搖淒風。可憐千古臺前水，

不洗當年甬東恥。

蘇州胥門城上小石亭一間，俗說姑蘇臺舊址在此。按越絕書：胥門外有九曲路，闔閭造以遊姑蘇之臺。吳地

記闔閭十一年起臺于姑蘇山，因山爲名。去國五里是臺，在城外也。詩云：城上亦浴俗說。

雨華臺

大江斷後誰絕前
右踞蒼虎龍左蟠
英雄角逐三百載
庭花玉樹歌聲殘
王氣銷磨城郭改
荒邨古木樓寒煙
我來兩月不出戶
登臺始覺天宇寬
城中樓觀在井底
環視百里皆峯巒
烈風拔樹雲蔽野
飛電霹靂驅蜿蜒
虛亭坐視河海涌
平地立見波濤翻
天開翳掃羣響息
空翠削出滌和山
陰陽雲雨反覆手
向來喜懼誠無端
興亡世事亦如此
俯仰千載須臾間

春城晚步分我字

紅樓鼓歇烏輪墮
淺水橫舟弄漁火
春風生草雉堞青

元

金華詩錄

卷十一

九

隨處軟茵供小坐
斷煙飛鳥入杳冥
關市行人競么麼
溪城斗大無遠趣
目礙雲山淡瑣瑣
驕騁駕路或迷
蜩鷲捨枋計非左
歸同三子歌考槃
茫茫宇宙誰知我

暮春郊外

行行多勝事
石竇濺流泉
白鳥浮雲外
青山落日邊
風平花委地
野迴草連天
春事成牢落
人生一夢然

宿鹿田西寺

廣福曾遊處
涼宵復此留
青山仍在眼
白髮且盈頭
鳥道藤蘿月
後聲竹樹秋
地幽心更靜
何處是丹邱

鹿田寺
即舊寶

福院廣

字疑誤

過太湖

周迴萬水入遠近數州環南極疑無地西浮直際山三江歸海表一徑界河開白浪秋風疾漁舟意向閒

秋夜

月落窗仍暗燈殘卷未收家人催杼相穉子問更籌冷露蟲搏夜悽風樹怯秋百年一瞬目萬慮幾搔頭志大空懷壁交疎少斷金半生成白首十載對清衿朝市灰心久山林託興淡紅塵多汨沒清夜幾沉吟

西山萬象亭

亂峯盡處接浮雲東望悠悠萬事陳百里江流縈縞帶

元

金華詩錄

卷十一

十

滿城居室比魚鱗野僧倚竹嘯畱客山鳥穿林嘍喚人落日亭中一杯酒何年復此對青春

三月十五夜登迎華觀

夜淡來此倚闌干千里樓臺俯首看月到天中花影正露零平地草光寒氣清更覺山川近意遠從知宇宙寬長嘯一聲雲外落幾家兒女夢初殘

許一元迎華說序古有迎華觀在書屋後高眺百里

金華山亦落日中其說云金華東百里許靈鍾東陽之八華八華獻華符翠白雲先生講學茲山朋從雲集史載遠至幽冀齊魯近至荆揚吳越于時金華稱爲小鄒魯按許一元跋白雲先生八華山講義學規云元延祐甲寅之歲詩當在此時作

九月十七日登清涼寺翠微亭故址

梵宇崢嶸枕石頭倚風極目立荒邱黃花覆地初經雨

白鴈橫雲帶遠秋城郭已非山故在江淮失險水空流
衲僧八十仍多病收淚殷勤說故俟

春夜

兩部蛙聲似打衙披衣清坐厭紛譁門同靖節日長閑
家近相如酒可賒低幕風生翻宿燕小檐雨歇落輕花
玉琴聲斷尋幽夢回首西窻月未斜

卽席用蘇世賢韻送郭子昭

攬轡春風入駿蹄兩隄煙柳臥晴溪黃鶯自有留人意
相對殘紅不忍啼

次韻潘明之秋思二首

元

金華詩錄

卷十一

十一

西風冉冉髻毛侵鳳老梧衰鎖夕陰倚徧闌干重回首
斷鴻千里暮雲深

靈槎夢徹漏聲殘河漢無雲動碧瀾閨闔班齊杳案近

天衢月白露華寒

夜過黃泥渡

夜澹風息水安流白鴈黃蘆滿眼秋行李蕭蕭官櫂穩
臥看明月過真州

胡長孺

長孺字汲仲號石塘末康人宋咸淳中從外舅

宣撫參議官徐道隆入蜀銓試第一與高彭李

從梅應春等稱南中八士歷官福寧州倅宋亡
退棲末康山中文世祖至元二十五年下詔求
賢有司強之起召見內殿授揚州路儒學教授
移建昌攝錄事官至大元年轉寧海簿延祐元
年轉兩浙長山場鹽司丞以病辭隱杭之虎林
山卒長孺師青田余學古余師其邑人王夢松
王師龍泉葉味道葉則朱子弟子也學有淵源

爲文精勁所著有瓦缶編建昌集寧海漫鈔顏

樂翁稿

輟耕錄趙孟頫爲羅司徒奉鈔百錠爲乃父求莫誌長孺怒曰我豈爲宦官作墓銘者是日正絕糧其子以精白坐

客成勸受之長孺卻命擊其送蔡如愚歸東陽詩有云薄糜不繼襖不履謳吟猶是鐘球鳴鼎之曰此余祕密藏中休糧方也 書史會

元

金華詩錄

卷十一

三

要長孺吹介不同流俗真古真鍾錫剛勁骨立似其人

元百家詩選趙孟頫稱其天姿向爽發言便是超詣

題山外歸人

結屋北山阿境趣適有契閒寂聊悅心
澗密非避世誰令賦遠遊
山空冷蕙人間萬得喪欣戚隨所制
頗似觀優伶笑語雜悲涕戲弄刻漏間
陳迹安所寄策杖歸去來溪澗亦朝
厲陟嶺見我屋竹柏松杉桂雨餘青一
色淨掃如作簞行可休此足無言得
溪詣

題段郁文雪石

白雲飛來著春空
翕霍變化生奇峯
朝曦照耀舒復卷
碧華忽擁玻璃宮
秋潮初壯明于雪
千雷動地吳山裂

濤頭出海夕陽微百鍊青銅浮玉玦雪容濤勢偉且奇
乍出乍沒須臾時乾篤雪山白盈尺晴天萬里窺蛾舂
似識詩翁作詩苦獨擁清妍照環堵河翻月落夜未央
如虹光氣照屋梁

胡元瑞詩數謂此篇在歌行中雄渾流麗步驟中程與趙子昂題桃源春曉圖虞伯生金人出獵圖賈秦甫宋圖范德機能遠樓圖楊仲弘陽

明洞揭曼碩琵琶行諸篇並駕

題秋江喚渡

道旁木葉如渥丹歸急不知行路難青嶂碧溪自喚渡
蹇驢破帽西風寒裏頭長須甚德色肩輕不借有餘力
人間塵土滾復滾謹勿重賦招隱吟

題東坡春帖子詞後

元

金華詩錄

卷十一

三

元祐文忠任詞職毅色正言古遺直農占蠶兆九處三
宮壺春吟存楮墨周公惻怛陳艱難無逸幽風但耕織
豐鎬灑澗遙相望八百年終不忒陳橋推戴出俄頃
安得繁積同先稷愛人忍詬戢兵端舍已崇儉優民力
弭蕃銷變壹以誠三百餘年傳玉食卿材相業富賢良
講席諫垣多道德通都達官固廉貞遠縣小官尤謹飭
君子皓首畢典墳野人黃馘常稼穡祇今真蹟落世間
象軸鸞標嚴設飾先正已遠不可追空使故臣淚垂臆

題黃山谷三言詩帖

退之出牧向潮州霽色衡山碧欲流魯直宏州遷謫去

嶽雲九夏滿空浮美哉湘水獨清澗洗濯遷人執熱襟
峯裏雲根不同量解言隨器與渠樹魯直題來務觀題
便云字與漢嘉齊不知夔道經行路不涉祝融峯子西

大水

西昆水源出天河一瀉萬里生驚波濁渾到海更奔猛
潰決猶自吞陵阿瓠子魚龍橫中野至今空唱宣防歌
故迹九道復不得南注安流少休息癡冥陰雲欺白日
連宵達旦雨如傾綠野黃流混爲一河伯侈大未可厭
規取桑田廣宮室長鯨老蛟助聲勢城郭波濤共沈沒
神禹衣冠藏會稽大叫不聞將安爲

元

金華詩錄

卷十一

十四

耕漁樂贈金華相士

憶昔力耕金華野綠蓑青笠風煙下扶犁荷耒豈不倦
春醅映瑤清如寫亦曾扁舟釣錢唐長緡短棹浮滄浪
顛風駕潮濤更惡若比世路猶康莊安有高情唐許協
澗闕神元形亦傑還騎官馬走黃塵江山過眼空重疊
少年壯氣若不羈西川南海去如馳二毛已非折腰具
况與志願常參差長官怒罵沸于爨口自唯諾心自作
升斗未療飢寒憂低徊獨羨耕漁樂老翁雙瞳秋月如
何時照我歸鄉間江湖耕漁樂復樂挂冠徑歸良不惡

題醉王母圖

宴罷瑤池醉不住仙人那有世人心
良工欲寫無言意
自托丹青作酒葳

金華詩錄卷十一

元

金華詩錄

卷十一

五



金華詩錄卷十一
元
金華詩錄
卷十一
五

金華詩錄卷十二

元二

黃潛

潛字晉卿義烏人生而俊異學爲文頃刻數百
言弱冠游錢唐得見遺老鉅工益聞近世文獻
之詳還從方鳳遊爲歌詩相唱和延祐開科登
進士第授寧海丞至順初入爲應奉翰林文字
轉國子博士出提舉浙江等處文學計歸俄除
翰林直學士兼經筵官執經進講者三十有二
言多切直轉侍講學士累章乞休不俟報去帝

元

金華詩錄 卷十二

一

遣使追還復畱前官未幾望謝病歸又七年卒
封江夏郡公謚文獻潛歷仕五朝巖然以斯文
爲己任足不登勢人門一時服其介與臨川虞
集豫章揭傒斯同郡桺貫齊名號儒林四傑有

日損齋藁三十三卷

危大樸神道碑云天資介直博極羣書而約之于至精剖析異同讞決是非多

儒先所未發見諸論著根本大經以羽翼聖道爲務然布置謹嚴授據精切俯仰雍容不大聲色譬之澄湖不波一碧萬頃鼉龍潛伏不動淵然之色目不可犯性篤孝親沒營家于三釜山有乳虎馴狎之異且日望展省寒暑不易先世遺文歲久殘缺極力搜訪補綴成編在州縣清白自將在朝不事造請與人交無鉤距不事矯飾以爲容悅而誠意獨懇至然剛中少容觸物或愆急震震一旋踵煦如陽春不少畱礙素寡嗜慾及登法從肅然不異布衣時遇佳山水則觴詠終日忘去世之議者謂公操行孤潔類陳履常文辭嚴簡類王介甫筆札俊逸類薛嗣道第非真知者未數數然也 宋景濂黃文獻公祠堂碑公之方姪母夫人夢大星墜于懷及其生也繡川之水爲之一清故公以文章鳴

一詩 詩數元委中若黃文憲柳文肅皆以文名而詩亦華整黃如揮
毫風雨傾三城聽履星辰接兩朝扶老未須蒼玉杖行春聊過赤欄橋
北尋海濱瞻極嶽南涉江淮上會稽山下靈
風吹桂櫂雲邊仙樹拂丹梯置之作者奚讓

雜詩 錄三首

晨起步南園旭日朗以清葵花衆草中粲粲數丹榮流
光非汝私獨爾心自傾覽物有深懷佇立方含情
孤雲澹無心出山偶爲雨長風忽吹散渺渺歸無處惟
餘向來山突兀青如故慷慨魯仲連功成身已去
春風著萬物欣欣皆自私可憐兒女花榮悴更相持獨
有澗底松偃蓋如不知何疑揚執戟草元鬢成絲

效古 錄四首

金華詩錄 卷十二

元
上山見明月下山月相隨月豈知愛我我行自見之故
山日以遠故人不可思殷勤謝明月願爾無時虧
擊石乃有火石火光不揚攀天亦有路天高路何長嵯
峩萬古雲下覆歌哭場富貴誠足多貧賤不可忘
落花隨風吹各自東西飛花飛旣不息水流復何極同
生不同歸能勿異顏色木生則有枝豹死則有皮悠悠
岐路間多言亦奚爲
飲酒莫盡醉盡醉無餘歡讀書莫弔古弔古多悲酸蕭
艾蔽中野白露摧芳蘭鳳飢不得死鷓鴣食琅玕去去
復去去采芝青雲端

連雨雜詩

卷二

虛堂坐無言，繾綣悲宿昔。常時眼中人，已如不相識。剝啄者誰子，令我喜折屐。忽去已莫追，一笑岸元幘。我思仇山人，山川莽回互。十書九不致，木葉頻歲暮。頗聞近移居，併失夢中路。得無挈妻兒，倒載入山去。今日曷不樂，孤倡無與酬。兀坐把書卷，展玩不自休。借問誰所爲，其人已千秋。山雨政可聽，撥書置牀頭。

晚晴

洩雲散積雨，水木含餘清。披衣有奇懷，偶從林叟行。新晴遠峯麗，夕陰孤花明。曠日固所虞，聊茲息營營。

元

金華詩錄

卷十一

三

夜歸

空山四寥寥，落日翳榛楚。蜿蜒草中徑，躡屩度寒雨。楠杉窈澹黑，忽忽疑伏虎。林窮澗水明，稍聽歸人語。

讀忠簡宗公遺事

公初起滄陽艱危，屬多壘蒼然。國家意委身干戈，裏陰飈卷翠華。朔雪披南紀，悠悠虞淵日。力盡揮不止，寅恭秉齋鉞。際會開朱邸，長安付馮異。漢業中興始，宮庭數汎掃。蹕路無荆杞，疚心望鑾輿。感激涕如水上表，方出師鳴呼孔明死。宴安不可懷，肉食母乃鄙。巨舟竟未焚，三語猶在耳。蕭然舊祠下，碧草垂階砌。登堂挹光儀，赤

爲仍几几千載墮淚碑一夫敢殘毀傳家有遺書敘事

非虛美場哉慎失墜庶以裨信史按遺事爲知金華縣余公翔狀刊于四明樓公坊刻公集取遺

事所載表疏次第其日月附集中明熊公人霖重刊公集以遺事附後近王公廷曾又于吳興潘宗玉所得其家藏鈔本遺事爲之訂正文獻此詩亦附刻于後

西峴峯

層雲抱春岑急瀨洩散竇修蹊入窈窕衆綠蔚以茂名

亭標水樂柱折荒碑什幽尋得緇廬亂石扶結構青精

午堪飯碧澗寒可漱平生慕真賞及此成邂逅冥探指

絕頂有路忽通透綠蘿度蒙密翠氣溼衣袖寄身沈寥

內下睨人寰陋清謳雜風竹大嘯落巖狻東峯在睂睫

可望不可就同遊卻何時瑤草春已秀西峴山有水樂亭宋東陽令王概建清河張昇

元 金華詩錄 卷十一

四

有記略云太原王侯以都官員外郎左除是邑一旦出縣南登峴山之廬廡下兩

山對峙有飛泉數丈界山而落鑿石逗磴泠然有清濁高下相應之聲徘徊久之

院僧因構亭于湖上名之曰水樂晉卿記水樂亭詩云王君爲縣在熙寧時嘗

從賓寮登西峴山作亭泉上名水樂峯山一蘇成爲賦詩亭旣廢好事者或以其

詩刻質杭之南山水樂洞猶存其舊題曰東陽云天歷二年秋今縣尹趙侯某始

卽其故處作亭且買石復刻詩亭中東坡集東陽水樂亭詩君不學口公引涇

東注涇五斗黃泥一鍾水又不學哥舒橫行西海頭歸來羯鼓打梁州但向空山

石壁下愛此有聲無用之清流流泉無筇石無竈強名水樂人人笑慣見山僧已

厭聽多情海月空留燕洞庭不復來軒轅至今角龍舞鈞天聞道磬裏東入海遺

聲恐在山海間翳然澗谷含宮徵節奏未成君獨喜不須寫入薰風絃志者以此聲

無此耳按蘇詩題下原注云爲東陽令王都官概作明嘉靖間修通志者以其詩曾刻杭之水樂洞遂云杭郡守鄭辯以水樂名洞子瞻作詩刻之者更沿訛而

石臺分韻得下字

蒼山面長溪勢若飲奔馬層臺跨其春萬古挹瀟灑登

臨茲維要朋從未云寡迨迨歷榛莽靡靡眺原野白雲

與翠霧竄在履舄下窮秋向搖落霜菊故堪把賞心孰

無同幽抱欣已寫逸矣于載期銘山溪來者

文獻石臺紀遊詩序寧海多大

山其高或俯視雲雨天門闔風丹邱桐柏而南田號爲福地好事者卒病其幽道險絕莫適至顛躓喜遊石臺石臺距縣治僅五里山皆土阜由山足緣坡陀地行穿灌莽而上至脊乃得巨石五六相積壓如累器物其頂上隆然正方而平可坐十人旁觀四山屏嶂羅列東北山缺處海霞島霧縹緲可睹也予佐縣文明年合者俊之士登斯臺抉剔蕪翳慶元諸老題詠故在徘徊久之望東麓杉松蒼翠鬱稱隱隱或曰是南園遺院乃歛而休焉因相與飲酒賦詩抵暮而去益忘其爲山之卑地之近也孰使余樂焉而無志乎其高且遠者非茲臺也耶卑高近遠物之不齊夫苟無累乎物斯異方而同得也讀斯記先生之隨分安遇可以想見不獨爲游觀言也

晚泊釣臺下

四山環一水遺臺故噴吼那無漁樵居政復不敢安舍
舟衝微雨憑軒俯清灣念昔乘興來無從寄游觀今我

元

金華詩錄

卷十一

五

有行役乃爾容躋攀山靈豈愛我爲解塵土顏落日奠

蘋藻清風聞佩環幽尋不可極林暝吾當還卻去望層

碧孤舟生晚寒

文獻釣臺書院記漢嚴子陵先生會稽餘姚人史稱少與光武同遊學光武卽位物色之得于齊國拜諫議大夫不

受去耕于富春山按圖志是時齊爲郡而未爲國其遺跡已漫不可考今建德之桐廬實富春故地先生釣臺在焉所謂嚴陵瀨也先生高風盛烈之所存于此爲最著釣臺有祠翔于范文正公作州之日其有書院則自陸侯子適始

陳生詩

陳生少也孤秉志何軒軒讀書奉慈母承顏郁春温兀
然處膝下不間晨與昏叢叢萬井中陳生澗閉門暉暉
百花時陳生不窺園常恐去左右或乖覆育恩一朝抱
長痛飛霜隕秋萱鹽酪不入口日夜涕傾盆欲娶弗及

養矢言終不婚尙賴百歲後兄子父所孫朝來游子衣
忽逐東風翻世方醉糟粕何庸薦儀尊陳生顧謂我是
事安足論幸托山水窟放情詠蘭蓀嗟今學步者觸險
爭飛奔願爾利鉏鑿濃斲六籍根願爾進竿櫓高溯百
聖源源長流自遠根大枝乃蕃勿搖崔嵬筆誇作礪魄
言宏惟孝與弟百行茲其元咄哉行勿休日月方运
贈言豈子敢情真覺辭繁匪爲陳生榮庶感薄俗敦
陳及字時甫從文獻學學成而歸從游者嘗數十百人宋景濂送人序有云東陽古稱多名人鉅儒子所師事而按諸書君子焉曰陳公君采胡公景雲陳公時甫其言論風采藹然盛德之儀型

覽元次山春陵行有感近事追和其韻

金華詩錄

卷十一

六

元
惟王始建官民命有所司奈何閱流殍束手無一施屬
者秋夏交上狀殊酸悲赤日紛按行人馬同時疲連阡
見標榜不救飢與羸仍聞恣鞭笞慘切傷膚反檢覈須
再三供帳常恐遲哀哀鬻兒女質貿行安之感茲欲無
訴旣往何由追尙慚噢咻恩稍緩租稅期云胡有倉卒
徵歛更相隨但將充其數肯復計爾費肉食不自鄙謂
我非敢知棲棲甌石儲剝割無或遺言是鄰壤凶藉此
敷恩慈寧知是州人俟死無他爲出語餘喘息行步須
扶持猶令比樂土疾苦慘謂誰俛首州縣間追責自其
宜况迫大府令聯絡飛符移豺狼方在郊鷹隼互用時

區區獮狐兔政爾何增虧吾賤不及議爲君陳苦辭

陳孝子詩

南仲杭陳氏斗龍父所名家臨百丈溪父書傳考亭夫
亦人之子胡獨以孝稱維仲適母盛王實生寧馨盛謂
我已出無殊祝螟蛉仲父諱弗言王卒不自明晙然舍
之去呱呱聞泣聲年運日以往頭角稍崢嶸顛天乞頌
滅願以益父齡父歿盛亦亡弔影傷孤煢或乃告之故
曰汝王所生王居清湖上去此無十程時仲新捧檄精
廬擬橫經悲號棄其官肩輿親奉迎安知世代易人非
餘故城鄰有鶴髮嫗叩之久始應言我與汝母少小俱

元

金華詩錄

卷十一

七

娉婷汝母生汝歸去作江東行不知今在無我老猶伶
仃仲也聞益悲簞糧事晨征六年困逆旅冷雨啼青燈
譬彼無母雛投林輒哀鳴求豐有施氏大屋淡重肩于
焉得母處一夕相合并母子更抱持淚如九河傾三日
負母還盜賊方攘搶倉黃與之遇白刃紛交橫頓首前
致辭覩縷陳衷誠能令激高義相戒勿敢驚仲昔以至
行上天降休禎靈鴈旣羣集嘉瓜復冬榮區區彼蝨蠹
豈遂無人情聖人語純孝厥有閱與曾未聞樹奇節謠
頌傳轟轟此道古或希此事今可徵我歌雖云俚庶感

出蚩氓

居庸關

危太朴神道碑至順二年名爲應平翰林文字息從至開平作紀行詩十有二篇世盛傳之今錄五首

連山東北趨中斷忽如鑿萬古爭一門天險不可薄聖
人大無外善閉非捷鑰車行已方軌關吏徒擊柝居民
動成市廬井互聯絡幽龕白雲聚石磴清泉落地雖臨
要衝俗乃近淳朴政須記桃源不必銘劍閣僕夫跼謂
我無爲久淹泊山川豈不好但恐風雨惡

槍竿嶺

憶昔賜第歸吾母適初度蹉跎歲月晚今辰乃中路居
人誇具慶遊子慚叱馭茲山稱最高揚鞭入煙霧蘊蘊
多峭峯濛濛饒雜樹崎嶇其攀援躑躅頻返顧陳情未
成表登高詎能賦獨憐山下水遠向盧溝去

元

金華詩錄

卷十一

八

赤城

鷄鳴秣吾馬晚飯山中行何以慰旅懷赤城有嘉名灘
長石齒齒樹細風冷冷時見巖壁間粲若丹砂明溫泉
發其陽焉訶勤百靈前峯指金闕真境標殊庭白道人
跡稀青崖雲氣生信美無少畱緬焉起淡情

龍門

疎身望龍門緩轡行兀兀溪迴愁屢渡雨橫驚暴溢兩
崖儼相向百水怒爭出人言馬上郎快意每多失自非
渥洼種不得矜捷疾飄飄蟻蝨臣凜凜鼃鼉窟皇靈重

覆肩利涉用終吉迴睨向所經千嶂隱朝日青林外盤
紆黃流中蕩滴後來未渠央君子宐戰栗

擔子窪

自從始出關數日走崖谷迢迢度偏嶺險盡得平陸陂
陀皆土山高下紛起伏連天暗豐草不復見林木行人
煙際來牛羊雨中牧颯然衣裳單咫尺異寒燠佇立方
有懷相逢仍問俗畏途宐疾驅更傍灤河宿

虞伯生題上京
記行詩後云少

陵入蜀路嘔崎故有淒涼五字詩應
奉爲官隨翠輦可知同調不同辭

曉行湖上

曉行重湖上旭日青林半霧露寒未除鳧鷺靜初散黃

金華詩錄 卷十一

九

緣際餘景閃倏多遺玩會心乍有得撫已還成歎風子
丹霞約久之芳洲畔獨往願易違離居歲方換沙暄芷
芽動春遠川華亂存期乃寂寞取適豈爛漫小隱儻見
招漁樵共昏旦

敬亭山

昔窺謝公作今涉敬亭寺徵素忻始遊賞勝資溪詣脩
脩緣水木宛宛交蹊術綠縵澗草豐幽颺松颺駛微鐘
響杳嶂高閣浮花氣聿薰旃檀妙豈愛岑壑媿憑坐實
內惕卽事多冥契息陰睠枌檟塞芳懷芝桂海嶽期屢
遷石林露澗闕經營乖道要迫窄餘物累稽首調御尊

尙飲無生惠

寄方子踐子約

窮居悵無遂徂歲聿載陰飛翹隕芳華候蟲厲哀音急
颺扇叢薄泣露棲喬林撫景慨往古端操思繼今折蘭
合幽佩解纓濯清潯石林宵葱蒨桂柏鬱蕭森遺世豈
余敢匡時非我任覽已謝高軌卽事念所欽纏綿阻道
里緬邈眺岡岑委懷竚芳訊貽好在規箴

子踐卽壽父子約
卽肖父韶卿子

集淵明句題胡主簿嘉樹軒

孟夏草木長霜露憔悴之藹藹堂前林冬夏常如茲巖
霜九月中卓然見高枝如何舍此去白日掩荆扉溪谷

元

金華詩錄

卷十三

十

久應無此蔭獨不衰黽勉六九年懷此貞秀姿常恐負
此懷未足爲高棲及時當勉勵慷慨思南歸親戚共一
處日夕歡相持披榛步荒墟登高賦新詩坐止高蔭下
一觴聊可揮從今至歲寒縱心復何疑

文獻集陶俱佳今
錄此以存其概

可憐行

紅顏白面可憐子杖藜飢走荒山裏翠簪新婦雪色兒
掩袖嬌啼瘦如鬼道傍朱門照霜戟腸斷汝翁呼不起
金魚象笏供樗蒲紈袴終然愁餓死春風秋月哀思多
嗟汝少年奈老何

金華山贈同遊者三十韻

杖藜初出城西門萬株紅葉如雲屯芙蓉峯前問行路
宛宛一線隨潺湲水聲漸遠山漸近弱蘿織葛手所捫
須臾橫側變峯嶺高岸忽復爲平原細泉瀏瀏竹竿直
石樹駢立疑同根剝金敗碧逢廢刹猶以第一名其軒
天明獨去弔遺迹玉女委蛻空邱墉樓居西起望明滅
石扉呀若山之樊罅幽穴險徑沮洳膝行匍匐不得奔
割觀崖厂架寥沈雙龍遶窰蟠蜿蜒紛綸怪狀滿巖腹
熊虎踞伏鸞鳳蹇其餘瑣細無不有形求象索難具言
前趨林麓卻下絕俯矚九地窮涯垠青枝翠羽不復辨
但聽風水聲喧喧高燒松炬度其背珠箔忽隨華鏗繁

元

金華詩錄

卷十一

十一

聳身上出指絕頂碧梧高下彌山園遙穿蓬艾踢雲雨
險艱從此不易論秋毫細路莫容足下瞰不測傍無藩
怪藤如鈎草如劒舉首仰歎愁攀援山翁顧之笑引臂
前牽後接猴與猿馳坑跨谷欹側過背汗喘息逾魚燔
陰沈古洞闕星日雖有寒暑無朝昏卻行左轉復深入
愈覺慘慄搖心魂珠纓縹緲現滿月稽首大士天人尊
拂衣徑逐飛鳥下青山出沒波濤翻或云漢人隱身處
仿佛肩背餘苔痕蛇蟠磬折又數里龕巖十丈開墉垣
夜歸草堂殿突兀坐看雲月吐復吞怡然攜手盡文士
頗覺筆下來源源名山石室如可託幸子歲晏來無諼

金華山遊勝樂得此及方詒
父三洞一篇可謂盡情極致

題李坦之詩卷

神仙中人世莫識政以文章爲戲劇李生也復可憐人
手種蟠桃待春色山空歲寒誰念汝青楓墮影霜露白
遠遊賦成一朝去翠蓋雲旗莫何適蓬萊煙霧秋冥冥
鄧君白鹿無消息袖中驪珠三百顆夜淡勿近蛟龍宅
金華之山青蠹天山人看山忘歲年黃精芝草幸可食
安得與子巢其間石牀醉聽松風眠無爲長謫怨如哭
使汝惻愴彫朱顏

胡元瑞詩數勝國吾鄉詩人于介翁李坦之皆新拔多
奇句子頗知名李殊沒沒吳正傳詩語載數首甚佳大

白酒樓歌全篇合作白鶴子歌天寒日落望不見北風萬里吹瑤花語甚雄峭又
落日中原小悲風易水寒芙蓉水碧雙鳧冷青菂秋高萬馬肥大類近日嘉隆語

金華詩錄 卷十一

十一

而世無傳者元諸家詩選亦絕不收良可慨歎今正傳詩語
亦不得見一鱗片甲僅從詩數數語想見之而已噫惜哉

蒼溪風雨中章德茂同汎

黑風翻江白雨傾橋欹柁側斷人行此時惟我與童子
孤舟蕩漾煙波裏蒹葭蒼蒼楊柳黃浩歌擊舷興彌長
翩然一葉恣掀舞青山白堦頻低昂朝過城南莫城北
舟人問我將誰適童子掉頭作吳語秋水夜來漲幾尺
忽看大字標竹林寺門對水仍陰陰敲門見竹不見人
竹間翠石何蕭森迴舟少林雨如注四顧冥茫但煙霧
魚驚龍躍吾不知披蓑卻入菰蒲去岸旁羣兒拍手呼
笑言狂客世所無嗚呼古人今則無後來視我知何如

爲君畱此有聲畫題作扁舟煙雨圖

文獻有登錢山望孤城一作起云吳興水爲州諸山

若浮萍十字能得其大略

陽山昱上人訪予吳門寓舍求爲湘竹詩子辭

以未見竹上人不遠六十里自山中舁其竹

而來好事有如此者欣然爲賦長句

道人來自陽山麓手攜舊種千竿竹小裁方斛不盈尺
中有瀟湘江一曲未信天工能爾奇不知地脈從誰縮
晴窻翛翛散煙霧眼底森然立羣玉豈期我乃累此君
蒙犯風埃走塵俗故山方遠重愁絕新句未成慚迫促
黃岡之產大中椽政用材美劔其腹願言保此終天年

元

金華詩錄

卷十一

七

歲暮山中伴幽獨

番易周節士歌

周君生長番君里長身俛俛鬚仍美師張先生業孔氏
夏螢冬雪頻繼晷先生愛君不骫骳君謂先生我知己
遭時戰伐多瘡痍賊衆乘之作姦宄郡檄先生俾一洗
先生慷慨爲之起曰彼蚩蚩聚蜂蟻兇渠本我家奴爾
我將筮之用折箠披其角毛脫距觜奴挾兵來速如鬼
反噬其主先生死先生諸子俱幼穉周君聞之失箸七
曰古復讐蓋有禮師長之讐視兄弟我今必也書于士
走告郡府伏以俟府公義之弗敢止授以笈折與弧矢

或云彼衆我無幾盍募援兵爲表裏君奮不顧行益馳
賈勇直前無與比賊窟擲金計何詭得金失賊墮其餌
亟取貪夫尸諸市士氣復振賊乃靡追奔逐北劇賊壘
迅雷不及掩其耳一柵旣覆衆柵毀生致賊奴洎妻子
刳其心肺獻俎几告于先生辭壘壘旋公庭旗旂旆
散遣部伍歸耘耔天戈耀日方南指郡將效死弗拜跪
周君堂堂衆所恃人咸謂君今可仕細書降表僅尺紙
大哉公侯小刺史君言我本不獲已出爲吾師刷讐恥
罪人已得賊已弭東朝西落無荆杞不義富貴寧飲水
公母多談且休矣閉門高臥肉生髀白駒空谷餘四紀

元

金華詩錄

卷十一

西

歿葬金潭有廟祀鄉人歲時擊豕豕子噉來與胄子齒
踵門涕泣言如此嗟君壯節甚奇偉播茲歌詩侑哀誄

文獻以古文名世此篇聯韻語如
散行恣肆縱橫無不如律傑作也

題醉歌圖

翰林主人天上來布颿不爲鱸魚開江湖渺渺天一色
朝光莫靄相徘徊昔賢心賞餘勝處但有水竹無亭臺
碑材久已沒荆棘展齒不復畱苒苒後來視今猶視昔
今我不樂何爲哉大官馬湏遠莫致鄰翁綠蟻浮新醅
欣然一飲便終夕鼻端氣息如雲雷是問別有一天地
不知何處爲蓬萊迴觀方內海一粟醜雞塵瓮何喧阗

黃冠祕監太狂態騎鯨供奉非仙才
揮毫改要真學士
鋒車流水行相催
瑤池曲宴多雨露
歸歟酌彼黃金壘

題李氏白石山房

名山秀出鄱江曲
上有立石如立玉
尙書履聲忽已遠
隱者新居在盤谷
花開鳥鳴春晝永
白雲重重養喬木
夫君亦復稱其家有書能藏且能讀
露鈔雪纂久愈富
何啻鄴侯三萬軸
山靈翕霍謹呵護
夜半虹光發
溪屋引泉天井助芳潤
大勝吳儂飲山淥
我欲從之不可到
細字長書俄滿幅
毫分縷析極根柢
大義森然見條目
鄙人媿莫知所對
叩請安得畱更僕
頗聞石洞闕遺音
龍門餘韻須君續
臨風傾詠寄綢繆
衰朽終期挹膏馥

金華詩錄

卷十一

五

雨二首

兀坐九十日雨聲殊未收
花時翻益睡茅屋不禁愁
生事吾何望春寒晚故畱
江波青滿眼萬里付雙鷗
泥潦今如此出門知路難
蓬蒿春自長桃李夢曾看未
覺龍公倦誰憐燕子寒
青燈耿蕭瑟千載入憂端

秋懷二首

天末雲猶去山中歲欲徂
周流吾道在太息古人無野
鵲疑秋樹新駒怯隕途
蒼茫念同志微薄忝爲儒
稍稍秋河落娟娟宿露微
天清江不息野迴樹相依

首狂歌數驚心昨夢非流螢無思極巧入絳帷飛

憑軒

信有儒冠誤憑軒意欲迷山溪風雨惡天濶羽毛低他
日開炎瘴連城送鼓鼙荷戈吾媿爾未敢嘆塗泥

風雨

風雨忽如此閉門方晝眠故應爲計拙可復要人憐燈
火羌村路桑麻杜曲田悠悠今視昔把卷一茫然

社日重過方子踐

東風吹客衣長憶見君時一別驚雲散重來與燕期春
溪今雨夕花老去年枝莫待空山裏青燈有所思

元

金華詩錄

卷十一

六

明月樓

遺堞何年有飛甍壓上頭鼓鼙分大幕香火望靈湫曲

岸舟如失遙沙樹欲浮登臨且吾土未敢恨淹留

金華府志明月樓在赤松門石碕巖城上宋宣和中建又有清風樓在旌孝門東城上元時建

按唐嚴維詩云明月雙溪水清風八詠樓少年爲客處今日送君遊取名以此

初至寧海二首

地至東南盡城孤邑屢遷行山雲作路累石海爲田蜃

炭邨邨白椶林樹樹圓桃源名更美何處有神仙

縹緲蛟龍宅風雷隔杳真人家多面水島嶼若浮萍煮

海鹽煙黑淘沙鐵氣腥停驂方問俗魚唱起前汀

按史寧海縣地

瀕鹽場亭侍不統于有司好較輟鄉井編戶隸官司財賦府者尤驕橫
潛一繩之法吏怵以利害弗顧也讀初至詩雷心風俗如此已見一斑

含香道中

殘日亭猶遠輕風帽易斜
稻畦低沒鶴草徑曲行蛇
經世知無策謀生會有涯
殷勤理黃菊畱眼待秋花

題石門淨勝寺

十頃蒼陂上山迴地勢偏
屋棲黃面老碑紀赤烏年
葉葉風荷顛層層雪瀑懸
青燈夜寥閭獨照一僧禪

九日登石頭城

背郭囂塵遠高秋川岳清
幽懷初曠蕩陳迹故縱橫
遙望龍盤舊長憐蟻穴爭
紆園隨處闢粉堞向來傾
發草窺簪井看碑驗故堊
門開蒼耳路亭愛翠微名
遠樹淮

元

金華詩錄 卷十一

七

南出滄江鳥外明人煙川浩渺
風物歲崢嶸吹帽仍佳節
傳觴但老兵愚生雜畫
屣浪走媿璜珩去去帆檣盡
蕭蕭蘆葦鳴登高未成賦
覽古獨含情政復哀王粲
何堪厭禰衡傲廬滄海曲
目斷白雲生

癸酉四月同子長至赤松子長先去遂獨宿智
者之草堂已而子長與正傳俱來同出靈源
詣鹿田遊三洞遠過山橋至瀟岳謁故中書

舍人潘公之墓復回智者而別

昔共張公子翩翩訪赤松
重來經兩紀獨去宿孤峯
古木蒼陂映禪房
茵徑通夕陰千嶂
黑人靜一燈紅
幸及

軒車會寧辭杖履從相看如夢寐健走媿兒童春盡山
仍好邨溪澗忽窮天低時墮雨寺遠但聞鐘弔古田無
鹿探奇洞有龍幽尋穿窳窳高步踏玲瓏靈草多成藥
疎篁不作叢嵐光疑晻曖野色在空濛下瞰疑無底言
旋復向東巖阿棲斷礎煙外落飛淙細路緣苔磴危橋
跨石拱泉依山曲曲雲與樹重重巨利連名岳穹垣護
敵宮倚闕斜日下入室老僧逢零落螭頭黑荒涼馬鬣
封不才持薄祿終古望遺風池擔雲關裏傳觴雪峽中
追隨尋道侶述作付文雄急景真流電浮生尙轉蓬後
期當歲宴來往意憧憧

芙蓉峯一名瀾岳巖成先生潘公良貴墓在其地文獻又有詩云潘公古達人陳迹闕邱壑草

元 金華詩錄 卷十一

六

生春畫長鳥啼巖花落神
交下載上未敢付冥漠

鳳凰山

滄海桑田事渺茫行逢遺老色淒涼爲言故國遊麋鹿
漫指空山號鳳凰春盡綠莎迷遠道雨多蒼薺下官牆
遙知汴水東流畔更有平蕪與夕陽

獨立

數盡飛花一愴然壯心迢遞夕雲邊十年人事空流水
二月風光已杜鵑過眼青春寧復得汴人黃土絕堪憐
故園尙有平生約可使蒼苔到石田

寄朱仲山

異縣關心朔鴈飛。酒鎗棋雨計頻違。寄書全覺嵇康嬾，入夢多疑李白非。黃葉閉門方寂寂，碧雲回首故依依。相逢賴有梅花約，試蹋東風走翠微。

夏日漫書

枕上初殘柏子香，鳥聲簾外已斜陽。碧山過雨晴逾好，綠樹無風晚自涼。芳歲背人成荏苒，好詩和夢落蒼茫。羊求何不來三徑，門掩殘書滿石牀。

過烏傷墓

丹青像設始何年，翁仲遺墟自古傳。時有北人來下馬，不知秦樹幾啼鶡。牧童解指看碑路，野衲分畊祭墓田。

金華詩錄

卷十一

九

回首長安西，日外茂陵松柏正蒼煙。

方輿勝覽：異苑云：東陽顏烏以淳孝稱，父死，負土成墳，羣鳥銜土助焉。而烏曰：烏傷，漢烏傷縣，以此名。今義烏是也。義烏縣志：顏孝子墓，縣東北四里，在崇德鄉。其西孝子父墓也。宋魏了翁爲篆題表之曰：秦顏氏烏傷墓。

送韶父先生遊京口

不到南徐三十春，好將夢寐弔遺民。也知往事如流水，祇想重來是後身。棹響官河風色暮，雲離野服鬢毛新。舊游偶失扶桑路，頗向滄江一問津。

佘山

春雲牢落鴈無聲，沙岸參差石有稜。雙屐漫窮芳草徑，一龕長媿白頭僧。晴濤閃閃翻孤日，山木昏昏卷翠藤。

後夜清風滿遙念夢遊空指上方燈

次韻答蔣春卿

不謂紅塵拂面時軒然談笑一舒眉晴風石鼎浮花乳
夜雨春盤冷碧絲握手遽成三宿戀論心那覺十年遲
酒船漁網歸無計未必山前白鷺知

題金明宴遊圖

危樓縹緲碧波中曲檻方櫺面面通雲氣傍花如欲雨
柳絲垂地不驚風千年華表人非是九奏鈞天樂未終
更有殘山并賸水煩君回首六橋東

上巖寺訪一公

元

金華詩錄

卷十一

二

曉色微茫尙帶星修蹊犖确斷人行獨支瘦竹身猶健
高入重雲地忽平落月正當山缺處細泉頻作雨來聲
上方燈火青林曲隱隱疎鐘一再鳴

題觀海圖

昔年解纜峇江上初日團團水底紅鼉吼忽搖千尺浪
鷁飛仍挾半帆風遙看島嶼如星散祇謂神仙有路通
及此棲身萬人海舊遊卻在畫圖中

文獻曾航海遊寶陀寺有詩云拂衣乘天風挂席隨

煙霧日從蛟門發曠指翁州住故此首句有昔年解纜云云

送張良卿學士之淮南

坐厭流塵拂面紅行攜涼月下青空三千里外揚州鶴

四十年前御史驄先廟鐵衣猶挂壁兒郎玉帳已生風
貞元朝士今無幾歸及花時一笑同

予與江陰何鼎叔鉉別三十六年乃相見于錢塘感舊述情謾成四韻

月寒霜樹久相依春去風花各自飛遠信已隨潮水斷
故交渾若曉星稀緜袍可戀知誰在青鏡頻看歎昨非
正欲從君共傾倒莫言興盡便須歸

金陵客中送友人歸里

青陽河畔杜鵑啼歸路如絃定不迷應到故山叢桂裏
笑人騎馬聽朝雞

元

金華詩錄

卷十一

三

有感二首

橘柚青黃照眼垂秋風籬落自紛披頗聞玉食登蠻果
不獨涪州有荔枝

漢室需材拔隱淪販繪屠狗各求伸可憐風雪南山下
別有當年射虎人

吳正傳有和晉卿清明遊北山詩二百云短衣射虎真堪樂莫眼將軍老不侯似答此詩意然黃前首非清明

詩發書載一公倡和詩又攷題曰偶成一絕

青山白雲圖

十年失腳走紅塵一作京忘卻山中有一一作青山與白雲忽見畫圖

疑是夢冷一作密花涼葉思紛紛

桃竹畫簪圖

說盡春愁貌不成翠淡紅遠若爲情江南有客頭空白
腸斷東風百轉聲

水仙圖

脩脩翠羽映明璫誰遣乘風過我傍歲宴高堂空四壁
一簾煙雨夢瀟湘

陶學士驛舍圖

一笑相逢亦偶然浪將恩怨向人傳無端更被丹青汙
須藉春風數百年

題金德原所藏元暉小景

牀頭書畫正縱橫忽值今朝醉眼醒起向米家船上
看

金華詩錄卷十一

三

雲山元是舊時青

灤陽邢君隱于藥市製芍葯芽代茗飲號曰瓊

芽先朝嘗以進御云

錄首

芳苗簇簇徧山阿玉蕾珠芽未足多千載茶經有遺恨
吳儂元不過灤河

春風北苑門時新萬里函封效貢珍羨爾托根天尺五
不勞飛騎走紅塵

金華詩錄卷十三

金華詩錄卷十三

元三

柳貫

貫字道傳浦江人大德間用察舉爲江山教諭
 遷昌國州學正歷國子助教太常博士出爲江
 西儒學提舉至正初起翰林待制兼國史院編
 修官卒門人私謚曰文肅貫少受經于金履祥
 至老好學不倦凡六經百氏兵刑律歷術數方
 技靡不通究爲文沉鬱春容灑肆演迤人多傳
 誦自號烏蜀山人有柳待制文集二十卷

黃晉卿柳公墓

元

金華詩錄 卷十三

十一

表公之生也外大父閣門俞公葵暨泗州府君同擢右科進士第因命
 之曰督取兩文易兩武贊于今文爲贊故公自署其名爲貫云 余文
 宣序先生孔遊京師石田馬公時爲御史一見稱之已而果以文顯爲
 文纒而不繁工而不鏤 危大朴序御史馬公伯庸薦先生可任風紀
 御史大夫帖實不從江西之遷朝有忌嫉者扼而不用及公道既明將
 寘館閣而先生老矣先生歷遊前代遺老之門該縉百氏故其文雄渾
 嚴整長于論議而無一語襲陳蹈故蓋傑然于當時者也 宋景濂行
 狀先生受經于仁山金公又從方公鳳謝公翱吳公思齊遊歷考先秦
 兩漢以來諸文章家大肆于文復裏糴出見方公回龔公開仇公遠戴
 公表元胡之純長孺兄弟益叩其所未至隆山牟公應龍得太史李心
 傳史學端緒又往悉受其說至京吳公激語入曰東陽柳君卿雲甘雨
 也天下士將破其澤程文憲公鉅夫以墨一丸授之曰文章正印今屬
 子矣 又文集後記先生爲文多不存稿年四十餘北遊燕始集爲書
 名之曰遊稿及官成均轉奉常則曰西讎稿容臺稿出提舉江西則曰
 鐘陵稿自江西退而家居則曰靜儉齋稿開嘗西遊吳中則曰西遊稿
 游而歸休口對烏蜀山歌詠自娛則曰蜀山稿未幾名還禁林述作益
 富未名稿而沒遂爲人乘間持去今所存惟七稿濂與同門友定其尤
 可傳者序次如右國子監丞莆田陳公旅嘗評之曰柳公之文麗蔚隆
 疑如泰山之雲層鋪疊涌香莫窮其端倪天歷以來海內之所宗者惟
 虞公伯生揭公曼碩黃公晉卿及公四人而已識者以爲名言 九靈

山人浦陽五賢贊序五人者孝子陳公助教節愍三梅公忠惠王公待制
研公也孝子不知何時人當二親之亡哀哭弗輟以衰麻終其身每卽
墓奠肴果烏鳥爲之不啄助教嘗未宣和初攝處之松陽丞盜發青溪
嬰城自守以死殉國節愍于靖康之際金人入寇乃不勝忠憤謀夜擣
其營迎歸二帝事泄而死忠惠克明正學歷疏諸經及登科立朝居郡
勤節高風至今在人口待制問道文安金公上邇朱子之學亦旣身逢
盛世以文華國四方學者稱之與虞揭黃三先生齊名嗚呼五公之卓卓
如此豈非所謂有道之士哉

奉皇姑魯國長公主教題巨然江山行舟圖

善畫如攻詩意到卽奇警蓋其疎雋姿筆墨無容騁歛之縑楮間咫尺萬里景巨然作江山所得盡幽賈冥淡風雨重曠朗雲霞屏秋光滿帆腹上下天一影白鳥不盡飛楓林有雜艇稍前牛渚磯卻後瞿塘頂豈無乘航戒尙想然犀炳巨靈制坤軸割截爾何猛至今氣淋漓

金華詩錄 卷十三

二

幅背出光耿人言此非畫與幻本同境然師豈幻者貞勝以其靜我來覽遺迹儼若天機秉巫閭東北長岷蜀西南永朱邸雪消初春暉浮藻井開圖望神州時節躬朝請慨思禹功成重喜殷邦靖將鑄獄收金明堂安九鼎

過大野澤

大野自爲澤濟流安得通淳涵就溪廣蟠際渺西東揭帆入洪瀾盡此一日風青山若浮髻隱見雲煙中不知何鄉聚欲辨已冥濛茲惟開闢來豈因疏鑿功捐小以成大地利乃豐崇至今徐兗郊桑麻歲芄芄賄遷擅工

賈組織連僕僮劓時漕事與舟航密如蓬寶藏在山海
其益無終窮一令民生遂坐致國本充非吾黃帽郎孰
訊白鳧翁

沽頭阻淺

傾囊作舟傭頗意遂所往進止由他人何異車在軌沽
頭臨開水塞淺不容漿小待得微濶器謀爭下上強挽
纜一篙退卻已數丈雨船忽根觸石際戛餘響前船已
釋棚後船如脫襁回頭望歛岸心折猶恟怵投艱始誰
偏出險終自調卻懷乘木功在易垂彖象未知理卽事
豈有患非想歸鳥尙依樊游魚亦驚網人生羈旅中百
歲徒攘攘白雲何方來相招泚予頽

金華詩錄

卷十三

三

雪霽得風徑過高郵

乘舟得順風如鳥新插羽翼湖五十里浪破雪花舞不
知岸勢迴歛覺帆力舉卻望煙中竿參差數家聚高沙
舊遊處酒賤魚可煮伸着一笑粲對面九疑阻得非龍
愛珠逞儁挾雙檣竟令明月胎光燄閉不吐我詩初未
工聊用相嬉媿後朝妙高臺呼雲作吳語

祝穆方輿勝覽覽
社湖去城三十里

湖有明珠雀伯易賦序
云夜見大珠其光屬天

晚渡揚子江未至甘露寺城下潮退閣舟風雨

竟夕

鼓柂凌濤江光晚來薄相望鐵瓮城正涉沙水落灘
長洲渚出月黑風雨作欹眠聽春浪夢枕生新愕起吟
不成覺但怯體中惡金焦兩浮萍天塹何限著意令制
溟渤帖帖就疏瀹奈何潮汝舟咫尺恨前卻方冬百泉
縮滌淨海爲壑乘流俟滿魄明夕異今昨快呼北府酒
煖客慰離索庶因行路難幸識還山樂

十一月十六日爲仙華先生寓祠植碣于其墓
北化城僧舍里之交友咸來會祭歸而成詩

用識斯事

先生隱仙華卒葬仙華麓淒其十霜露墓草今幾宿永

元
金華詩錄

卷十三

四

惟不朽事誅行當有屬業鉅自宐久才微豈堪服重予
師友義黽勉承記錄鋪荼雖弗工序述皆可覆平生有
道碑此筆知不辱但嗟無纜藉告薦忝嘉玉成碑懸空
後合置庭之曲奈何荒阡中風日所飄暴乍聞牛厲角
敲火防童牧十夫昇致之寄幕託僧屋并爲近墓祠剝
泉薦寒菊交朋響然臻杖屨或不速意氣有歆動夫豈
爲肴簞茲山望其廬數里入陰谷離離紫翠間歷歷盤
游躅定應挾飛仙時來蔭雲木微吟應吹笙高舉還騎
鶴誰家松栢墳竹鹿不敢觸運往無須臾夷塿已爲陸
春花照黃壚有酒無茅茜先生死布衣桐棺僅能束葆

茲泉阿藏免彼塗芻蹴斯文在天地千載如轉燭顧其
不亡者往過來已續雖無冢瘞文尙有藁充篋清詩數
千篇一一汰魚目簡搜付方來後死死慚不穀藏之於名
山斯言可余復

九靈山人書柳待制詩後略云待制柳公旣祠仙華先生
於化城精舍且爲刻其所著墓碣植之歸賦此詩豈得無
意於其間哉良於所謂淒其十霜露墓草今幾宿之句未嘗不爲之愴然有感先
生沒於至治辛酉春立祠極陽在至順庚午冬相去踰十載而詩中及此恨其表
著之晚後此又十載而公亦沒其墓草凄其迄今亦十霜露而近冢之祠表墓之
碣無一或具良旣登公之門不得不有感於斯矣詩爲化城所藏主僧若空將摹
勒入梓此固足
垂勸於後世也

危太樸自金谿來訪畱館兼旬因歸有贈

數日出恆早旋歸已疲劇思睡方未曉強起臨几席席
間有佳友來來千里屐所來非健羨亦不畏名迹謂吾

元

金華詩錄 卷十三

五

昔求學頗嘗窺窻欲要一夕談以慰百年役寤疑則
豈敢辨義能亡益斯文千載後伴與抵離析不有高朗
姿誰完超距力夫道非遠人何嘗繫徵索譬如山出泉
其初論涓滴滄涵就濶廣千流同一脈掀掀鼓雲濤帖
帖輸溟渤是氣中乘陵無吹亦無息文章道之英各亦
隨所覲草木紛以滋何嘗須粉澤生機一發越形色自
不隔吾聞古作者嚴嚴垂典式履正有夷途胡行猶墮
埴韓公起扶衰文字欲適職取新非厭常通變由知易
衰遲豈復進僂子墜吾壁東風迫歸期末了千日客少
畱慰將遠芳草萋以碧諒哉君子心求言若金錫縣知

筐筥贏不廢秉檠積勉勉他日思爲寄東飛翼

先生自題
鍾陵集後

臨川學者危大樸謂予有一日之長簾櫺屏屢乞肯來况雷連旬餘請出余卷誦之乃獨有會於心手抄以實歸臺言將置之雲林山房以與厭常嗜古者共之又答大樸書云比數十年學者大抵有自利之心而志日益卑道日益遠夫其自利之心根著於中則未得謂得未至謂至自高者恥於問自多者恥於求而若剽掠纖碎緣飾淺末已足以雄夸於制作之林而爲獵取名爵之資矣無惑乎頹敗委靡而莫之振起也斯言實切中學者之病

尊經堂詩 有序

昔趙人安先生以布衣教授里中哀輯羣書
大備經訓使子若孫採擷芳華厭滿膏澤有
餘則推之以及其鄉之人焉去今五十年尊
其書猶尊先生卽名其堂尊經堂曰此先生
之志也太史屬蘇君伯修嘗受經於先生之

元

金華詩錄 卷十三

六

孫最爲得安氏之學者乃來請詩刻置堂上
噫書在安氏而其淑人之功獨安氏哉詩曰

聖人言純如載道行萬世貞明配日月廣大侔天地簡
牘之所資包絡無巨細上而建皇極重視人文麗下以
開民彝性初均秉畀訓行宣光熙道否隔氛暄千人萬
人心揭揭皆經誼此息則彼消剛柔乃殊位進乘休復
機迪哲蹈仁智自絕其本根奈何取天勦燔滅滋秦瘼
網羅典漢利存亡書豈知論者常不置濟南毫言出孔
壁發神祕百篇始昭垂五代著成文魯齊韓毛詩其傳
迭興廢審音以知樂亦各徵四至樂崩名僅存緬想歌

鐘肆禮失野可求誰明射鄉義制氏記鏗鏘后蒼詳數
制區區象聲容詎得作者意賴夫春秋家尙識王道貴
載事或稱誣推凡疑翼僞田何受孔易其全緣卜筮楊
施孟梁徒別出踵焦費挾書律始除六籍豈俱逝傷哉
居下流衆惡所奔萃駕言拾灰殘我道猶未墜乘之以
顛門中復廢識緯黨同護朽竹攻弱擊枯骮文字日芟
滋編策亦鱗比孟荀與揚韓先後參輿衛擇精語益詳
炳炳詔來裔一籥節衆音八風無濫吹方張乃遂翁已
矣更五季大明升殿郊熒奎屬炎彗春陵南標正陝洛
黃離繼經世偶潛虛象圖合而異舉隅豈無反僅若小

元

金華詩錄

卷十三

七

星睍朏朏紫陽翁敷賁了羣眎在時張呂間建學特超
詣一鼓行無旁八區同教肄矧茲龍德中美化純漸被
家書動盈屋人事各康濟恭惟罔極恩聖哲布嘉惠經
尊道則尊有合嚴度寘覆之以堂庭牖戶亦崇邃古史
洎今詮珠駢而玉綴高名以經揭酌原知水味譬如登
喬嶽岡阜左右睇草木流華滋煙雲撒纖翳觀生老其
間面背俱盡眸豈惟一身謀直作數世計是家離石宗
遭亂藁城寄劬書自玉峯菑播實渙漑子孫刈其熟穰
穰收秉穗後來及門士妙合若龜契尊聞行所知况復
躬自致過逢訛師資忍負築塲志我願安氏堂廣作天

下治矜式表國都弦歌行黨術蓄誠以端蒙達生以知
類惇典敘彙倫三郊而五禘與世開隆平吾經固無累
自微可之顯道豈不在器世間有形物展轉資弊弊遊
談亦何根閣束祗自棄是將比鎮寶前人所數遺手澤
尚鮮新一展一流涕書誦夕思之上帝嚴臨泣作詩詒
蘇子孫曾戒無替

待制共山書院藏書目錄序有云用綿蕤以易三朝之儀因同室而紊都官之制上齒之俗微於鄉飲之不修成人之道息於冠禮之不講至論鐘律則銖黍既差均節何有五量三統已因之無所適王雖奉常所肆亦且弊弊於龜茲之役而鄭衛不居注矣嗚呼亦安知五帝三王不相沿襲之說其流遂至於此耶

且發漁浦夕宿大浪灘上

張帆得順風飛鴻與爭疾後浪蹙亦舒前山過如失桐

元

金華詩錄 卷十三

八

江轉數灣上瀨未入日篙工享安便坐穩頭屢櫛人生
倚造物理微難究詰處順安可常離憂詎能必白鷗知
此情故向波間沒

望李陵臺

平沙北流水青山在其上李陵思鄉臺駐馬一西向草
根含餘淒峯尖入寒望俚言雖莫稽陳迹尙可訪想其
深入初步卒亦材壯手張天子威氣奪名王帳覆車陷
囚虜此志迺大妄一爲情愛牽惶恤聲名喪縷縷中郎
書挽使同跌踢安知臣節恭之死不易諒河梁執別處
出語謾惆悵家聲故燁赫三世漢飛將兵法有死生人

運迭休旺忠回在信史豈沒功罪狀馬遷當腐刑強欲
雪其謗土思豈能無層雲塞亭障千年麒麟圖吾將執
元噉

晚泊貴溪遊象山昭真觀

舟行弋陽道山石多異狀嵌空露鍾竅屹立儼珪鬯沿
洞百數里璆鐵森相向最奇象巖下仙館占丹嶂舍權
遵微行松篁插雲上開門看青壁左右挾高閣飛雨灑
面來輕颺人簷颺道人出迎客牖戶坐南嚮延登昇仙
臺境肅神滋王不知日車側但覺天宇曠我生名山遊
正費屐幾兩采真喜初遇戀勝期屢訪布帆催夕舉未
元
金華詩錄 卷十三
九
敢恨飄蕩水淡彭蠡湖兩眸更東望

渡河宿麻子港口

青山彭蠡尾湖水始生岸一舸破微瀾風帆用其半亂
流二百里午發至未盱蒼茫洲景中明滅津煙畔數家
小聚落漁竈倚灘爨舊聞荏苒肉飽強悍時平道
路清跋涉得無患豈非年穀豐禮義能服叛嚴嚴主湖
神牲酒滿栝案乞靈我豈敢雲黑檣烏散櫓師促轉舵
軋軋鳴鵝鶴前瞻麻子洲波面明星爛新別重有懷縣
情如此絮

六月十五日大雨雹行

是日
月食

日月相鬥鶉火中晡時欲息雲埋空雨脚初來雜鳴電
雷驅電挾聲淪淪排檐倒檻揮霍入犀兵快馬難爲雄
中休願意絕奔迸轉橫更覺加鉅鋒亂拋荆玉抵飛鵲
恣擲桃核隨飄風坐移向壁防碎首急卷巾席何恩恩
上天號令豈輕出摧殘長養皆元功陰凝陽爍鬼神著
氣有至反誠則同想茲試手鼓萬物特欲振槁昭羣蒙
齋心變貌謹天戒嗚呼生意無終窮

寒食日出訪客始見杏花歸而有賦

京華塵土春如夢寒食清明花事動偶賒估畢數日閑
似釋頰肩百觔重今晨訪客出城東馬上風來亂吹塢
元

金華詩錄

卷十三

十

穠桃靚李杳然空山杏一梢紅聳聳浮暉滿樹豈饒春
麗色迎人太矜寵后皇賦命幾何偏蚤秀遲榮徒倥偬
嬌姿不並歲寒看殘香祗作籬根擁物情如此乃自嗤
一官坐得三年冗烏騰兔走苦相催老矣鬢絲今種種
紫鳳憐渠短褐穿白鷗負我歸心勇故園梨雪想續紛
月下樽誰獨捧涓滴長令埒顛蓬何用百家營守冢
寄聲爲謝歌泥中補兀吾猶完趾踵

出北城獨上秋屏閣望西山煙靄中漠無所見

北江負城沙似積帖岸微行誰所闢折旋殆類蟻沿封
漫漶猶如龍印迹風髮披披鞍兀兀去馬浮蟻正相逆

入門平步得高層身與危闕爭幾尺緇袍年少不嗔來
拂掠胡牀趣敷席鉤簾意凝見西山雲亦何心故蒙翬
我疑玉女畏迎將且懼詞鋒恣彈射豹藏惜此管中斑
黛點羞渠睂上碧不然洪崖仙者過霧縈煙韉羅什伯
詎容左右覲昌丰祇許依微攬芳澤我時坐定淡得之
大小往來成一易青天白日豈嘗無好懷轉眼難尋繹
祝融開面索新詩五老破顏愁惡劇我持一影行萬里
負舟而來山有力寧華寧俟九春期飽繫未了三年客
正須慰藉管城公重此提攜煩脫幘

與用章戴生同度淡竹嶺夜宿山家

元

金華詩錄 卷十三

十一

一溪屢涉溪流淺廿里窺源臨絕巘雲間仄徑細如縈
霜後枯藁齊若翦沙崩石爛阻危攀磴斷崖縣還斗轉
已驚汗袂沚餘滋更擬班荆息微喘未昏斜照白波淪
直下遙空青霧卷粵初川嶽各流形自是陰陽始昭辨
誰開谿谷通片雲重爲封圻制鉤鍵神工使解鑿崔嵬
世路何庸增連蹇舍車未免役孱軀摺策聊將收勝踐
枌榆連蔭壯且衰嫵友關情行執遣吾生已付一浮漚
此足寧堪幾重趼莫投山館睡麴麴雨撼窗扉燈曉現
寒雞呼夢報詩成曠懷直爲朋知展

載酒堂詩 并序

蘭谿州同知州事彭侯震卿爲南寧軍判官
日嘗訪得蘇文忠公載酒堂遺址築室肖像
卽修祠事朝野名勝往往形之賦詠予知侯
有懷賢尙德之心則夫宐人之政是不一書

而已作載酒堂詩詞曰

蘭谿完貞初升爲州設同知州事一頁彭震卿志僅載姓名

東坡先生如龍鸞世人疑其欲飛蟠九州四海不容足
攝身徑去窺髦蠻南荒萬國僭耳國帝遣海若開奇觀
潛淵抉得睡驪目思山夢見峩峩彎颯風惡浪吁可駭
土芋脫粟纔供餐黎家兄弟好事者小酒初熟生微瀾
巾童迎路吹葱葉門東刺竹西牛闌扶攜歸去常半醉

元

金華詩錄 卷十三

十一

流落生存重一歡四黎善善君子類若比張蔡猶蕭蘭
天乎木鐸何望爾蠅之附驥渠非難誰尋雪迹到鴻爪
正用載酒標堂顏百年文獻隨草莽庭階蕪沒并且習
風流別駕彭夫子未負進賢頭上冠是心尙德甚饑渴
挈取舊物還祠官書銘小摘枕椰絲薦俎時羞荔子丹
海邦夷俗雜鼉鼉茲事信爲風化端音聲固有合琴瑟
嗜好果豈殊酸鹹塌來蘭陰語吾故緇衣三詠三長歎

咄哉豈弟神所勞雲路矯首看扶搏

讀待制詩三致意于彭侯之爲人而邑志謹一載姓

名并未得考其鄉貫履歷然此詩存天壤間則彭侯自當不朽乃知詩人之有功于風教不少也

爲蔣英仲作顏輝畫青山夜行圖歌

前山溼霽方濡濡後山蒸雲如鬼驅松蹊行盡迫曛黑
璧月正挂寒蟾蜍問翁蒼茫何所途投館莫有林間廬
枯梢尙鳴風勢急隈岸欲渡溪流籠沃洲天姥雖峭絕
無此原壑深盤紆固應豐城牛斗墟龍劒夜出乘飛符
神人仗氣挾以俱虎豹旁擲雄牙須世間何物珊瑚株
不可褻翫矧可誣青峯之巔野水祖獨往似是仙人徒
心融意定不少假收攬奇怪一筆撫蔣君閑暇攜過余
墨色照几晴光鋪老顏未老爲此圖桺子歌罷三嗚呼
南州雙璧范與虞君當請賦傾明珠

松雪老人臨王晉卿煙江墨嶂圖歌

元

金華詩錄

卷十三

三

君不見帝堦王家寶繪堂山川發墨開洪荒重山疊嶂
詩作畫東坡畱題雲錦光又不見後身松雪齋中叟伸
紙臨樵筆鋒走樓臺縹緲出林坳蘆葦蕭騷藏澤藪白
雲飛不盡青冥百丈牽江入樊口墨花照几射我眸我
爲摹芳歌遠游胸中是物有元氣世上何所無濱洲我
疑此叟猶未化瞬息御氣行九州五山四溟一觴豆瓊
細弗遺囊楮收故能援毫發天藻不與俗工爭醜好楚
山雲歸楚水流萬里秋光如電掃拈來關董散花禪別
出曹劉斲輪巧披圖我作如是觀毛穎陶泓共聞道嗚
呼相馬不相人駑駘豈得同翔麟舍夫毛骨論形似如

此鑒賞焉能真後來有問延祐脚意索舉似吾方歌

題龍眠釋迦出山圖

明星在天斜漢落佛道靈明魔道弱修行已證等覺位
不顧身形瘦如削華縵垂袒雲半肩步出山來赤雙脚
文殊低眉普賢笑滿谷天風韻天樂青蓮帖帖印虛空
白象耽耽係羈絡自茲應物如洪鈞五陰五濁皆清廓
龍眠昔是會中人以心應手親描摸纖煤利穎發其神
聖鼻鉤輪無此斲流傳付伯甲子餘玉采珠光破寂寞
鄧江古寺秋日暉洗滌翳晴煩發鬻稽首調御天人師
優鉢曇花開一萼

元

金華詩錄

卷十三

西

初夏齋中雜題三首

壤隔溪流斷門依野次成初非慵應接自是少將迎筍
蕨搜山得鹽醯入市營貧居薄滋味盤膾敢求精
經月始一出移時還小勞生涯依馬磨力作問蠶繅藤
刺青陰密楸花紫豔高雨晴看爛漫草徑莫令薶
池岸方如截池波淡可洄出門歌小海見客思滄洲魚
沫吹還息蛛絲斷忽抽萬生同一馬敢望絕轅軻

睡餘偶題二首

此世何多幸予生厚自憐簡書方厲禁裘葛屢催年正
是穉能熟其如橘不遷摧藏南郭隱放浪北窗眠

惜此珊瑚玦栖栖薜荔牀青山圍坐密白日放歌長客
久違朝籍人誰問夕郎駕車容一駟何必更畱良

送朱本初法師赴豫章玉隆宮

鎖蛟惟有柱墮鼠已無家想到真仙宅能回俗士車露
壇春翦栢雲日夜敲茶人境今雙絕長吟採物華

玉隆宮
在新建

許旌陽故宅初名遊帷之觀
宋祥符中改名玉隆萬壽觀

二月七日與陳新甫甘允從飲范使君亭

心賞他年屢湖光此處全春生鷗鳥外人醉杏花前細
竹侵除道殘陽滿繫船母將比西子吾實媿華顛

次韻答鄉友吳立夫見寄之作感別懷歸情在

元

金華詩錄

卷十三

五

其中

宇宙方來事江湖獨往人扶搖遺短翮濡沫到窮鱗誤
作軒裳夢終慚稻錦身迹雖侔燥溼學豈混疵醇跼步
逢多躓虛懷待一振屈伸乘卦氣消息候天均喜際三
雍啓還依六籍親馬羈從幸日螢案潔餐辰膝口虞官
謗稽謀信卜陳踐更非顯陟遷秩遂爲真清廟方惇禮
容臺忝末塵卑卑論燕雀憲憲望麒麟緬想閒居賦猶
存弟子紳國卿誰尙友輿皂或稱臣飛翰因來客分光
宵照鄰之人芻有束何物秣盈困嬰圃初登射驪山適
罷巡玉全遭朋足淵靜得藏珍接席連芳晝看花惜好

春言荃開窈窕理窟至馴馴蓄思文俱銳修名實與竇
逝將熙孔業由此樂顏仁淹泊思同社羈孤若異倫宐
休寧俟斥漸老最憂貧夙願惟耕釣浮榮謝鼎茵滅行
無聽漏觀涉卽知津狐首求吾正螽斯詠爾詵粉榆應
不改蘿蒿重相因惜遠接青菊期歸睎綠蘋題詩緘恨
去離緒極紛綸

贈別宋季任赴甘肅提舉二十韻

寧塞洮河外甘州瀚海隅羌髡通別譯封域界中區氓
俗風丕變玉靈德誕敷粵初聯吏治近亦好文儒左學
將興蜀西庠昉自虞懷章煩遠役鞭馬戒前驅驛路爭

金華詩錄

卷十三

六

迎傳關門不用繻水經張掖弱山對賀蘭孤禹鑿班班
迹幽詩往往圖發時梅未萼上日草應芻元宰親加豆
諸生肅詠零職司雖翰墨佩服已銀朱會觀天荒破端
令士氣龕槎明星是客鄉大酒爲徒請播言斯在居夷
聖豈誣高才每流蕩平世匪崎嶇只作三年夢須輕萬
里途旃廬春襲襲笳管曉嗚嗚漿灑蒲萄盃翻寒翡翠
鑪新篇多慰意許可寄潛夫

次韻伯庸待制上京寓直書事四首因以爲寄

舉頭涼影動明河問信仙人八月槎斗下孤光懸太白
雲間長御挾纒阿霓裳催按新聲偏鳳藻需承曲宴多

一代詞華歸篆刻龍文還欲映琬戈

松翠新裁似鶴翎手中雲影落澗青官花忽動紅千帳
禁柳齊分綠半櫺金掌擎秋調玉屑銅渾窺夜約銀釘
不知太史朝來奏東壁光聯第幾星

烏桓落日稍沉西南極青山女堞低馬谷夏泉經雨漲
龍堆秋草拂雲齊一函祠檢將升玉萬里九封不用泥
俛直夜涼談往事乘車猶欲避雞棲

梧面春風灑灑波醉來難覓百東坡寧無天上支機石
信有人間采玉河霜驛舊圖開党項雪毫新興寫伽陀
聚星更比荀陳盛月照金鑿夜若何

詩數發中黃柳詩華整柳如義和白日經天過勅勒

元 金華詩錄 卷十三

七

陰山度幕遙雪華遙映龍旂動
日色纔臨鳳蓋間奚讓作者

舟中睡起

影入船窻隙日升霜衾驚夢卻青綾一官朝右寧非客
十月漳濱幸未冰江驛比來無雁帛水鄉隨處有魚罾
食貧電勉縈微祿消得山靈笑負丞

登徐州城上黃樓北望河流作

高樓背水壓奔衝影動雲虹落水中土色從黃宐制勝
河聲觸險聽分洪卻思沉璧千年日欲問乘槎八月風
沐泗交流平似席南行北播本同功

雪中渡淮

水入長淮浦，澈分槽前坼岸覺。奔云灑蓬雨，歇纔聞雪。
吹帽風來不見雲，何處能忘丹鳳闕。此身將混白鷗羣，
有人問我蠶珠顆，直遡寒光到海濱。

過鐵峯書臺觀其所得宋咸淳中大宗正訓名

牒上有福園署押感而爲賦

姬姜蕉萃况同盟，屬籍淒涼舊訓名。寶玦懸腰非少日，
金環探樹是前生。分無藜杖過天祿，尙有花書記冢卿。
未必後來能識此，祇教人說漢西京。

追餞常大參至樵舍鎮飲別後夜宿舟中聽雨

七十里江沙水黃，浴流送客舉離觴。回舟并載別愁重，

元

金華詩錄

卷十三

六

殘雨微生半夜涼，欲與仙人騎竹杖。時從老子據胡牀，
懸情獨有南樓月。白兔河邊正擣霜。

寒食山居

歲月無情日變遷，惜春畱得酒家錢。梨花小雨驚寒食，
楊柳東風似去年。志士屬當躬井臼，善人誰爲表原田。
老來撫節偏多感，何必雲安有杜鵑。

過賈相故第

原注賈再貶循州
團練副使死漳南

恨滿龍驤江上舟，可容副使老循州。高冠誰上麒麟閣，

斷礎猶名燕子樓。洛下啼鶉慚相業，遼東歸鶴詫仙遊。

異時不藉公田策，安得吳杭駕海流。

待制集淵穎集俱有浦陽
十詠一曰仙華巖雪縣北

有仙華巖翠亭空雪景尤奇柳領聯云九清內景游行外五嶽真形太素中吳
結句云俄然喚醒西南夢伯作松州徵外看二曰白石湫雲白石龍湫在縣東南
能出雲爲雨柳中聯云空外金精懸太白泉中虬彩化長黃吳結句云明當去挾
騎龍隻直到扶桑第幾洲三曰龍峯孤墜縣東龍峯古墪實爲蒼龍左角柳中聯
云玉函舍利朝光現珠斗闌午影過吳結句云何妨宴坐初禪界蟻蠓紛飛卽
大千四曰寶掌冷泉寶掌山唐千歲和尚道場有看經得道洞巖巖山泉極甘寒
柳領聯云消融太古岷峩雪澄映中秋沈瀟天吳領聯云天從白石雲根出地帶
青泥雪髓來五曰月泉春誦縣西有泉隨月盈虧泉上精舍祠文公成公柳領聯
云嶽雲深藏策處匡山人老讀書年吳結句云從今更後源頭水莫待投膠與
救渾六曰潮溪夜漁去縣五十里溪流始大有魚蟹之產柳領聯云蛟龍未解乘
雲氣魚鱉安能避澤梁吳結句云太公遠矣吾將隱赤鯉何書在腹中七曰南江
夕照南江橋西望原麓返照如畫圖中柳領聯云墪廟旁連山影直石梁中巨水
痕枯吳結句云道旁更有枌榆社欲脫蓑衣藉酒醺八曰東嶺秋陰縣東東山嶺
平林廣野秋常多陰柳中聯云斷雁殘鴻飛杳杳綠蕪紅葉映斑斑吳結句云朝
來雨足多秋意井上無人事桔槔九曰溪鶴江源浦陽江源出溪鶴山在縣西三
十里柳中聯云出山未遑帆檣便竭澤母庸問畧繁吳結句云欲行復坐皆雲水
只屬騷人與釣家十曰昭靈仙迹昔黃帝少女于仙華巖上升山下有昭靈廟水
旱禱之輒應柳領聯云因山不敢軒轅鼎化石猶聯菱女星吳結句云長歌爲問
西王母直把荷花與送迎此二公款一方之勝非關性情之至因摘
其佳句于此以備觀覽待制得意景中淵顯傳神言外各極其至

元

金華詩錄 卷十二

九

題立仗馬圖

玉立彤墀氣尚麤
食殘芻豆更何須
太平未必閑無用
一幅君王納諫圖

題宋徽宗扇面

瑤池池上萬芙蓉
孔雀聽經水殿虛
扇影已隨鸞影去
輕紈畱得瘦金書

題宋徽宗梅雀圖

雙雀飛來曉色勻
宮梅如雪門清新
紇干山下他年見
青鳥司花不是春

題金顯宗墨竹

海潤星輝大定年生綃筆筆寫蒼煙若爲夢裏篔簹谷
直到洋州雪筏邊

題折枝海棠圖


東風庭院紫綿香翠碧飛來午影長啼溼紅妝看不厭
祇疑春色在昭陽

金華詩錄卷十三

元

金華詩錄 卷十三

二十



東風到綺閣

紫綿香翠碧飛來午影長啼溼紅妝看不厭

祇疑春色在昭陽

東風到綺閣

紫綿香翠碧飛來午影長啼溼紅妝看不厭

金華詩錄卷十四

元四

吳萊

萊字立夫浦江人父直方官學士母盛氏懷妊
方七月學士夢西域神人飛空而來止其寢心
異之越翼日生因名來七歲善屬文方鳳見而
奇之曰此邦家材也取南山有臺詩中語更名
曰萊以孫女妻焉悉以其學授之自是該貫古
今延祐貢舉法行有司以萊名上於是東經齊
魯梁楚北抵燕中原奇絕處輒瞪然長視平岡

元

金華詩錄 卷十四

一

灌莽昔人歌舞戰爭之地壹皆前迎後卻在塵
沙霜露中貫酒高歌天寒風急毛髮上豎自謂
有司馬子長遺風尋以議論不合退歸游海東
州歷蛟門峽過小白華山登盤陀石著觀日賦
以見志還寓同縣陳士貞家鄰龍湫五泄榛篁
蒙幕不類人間世終日嘯詠其中暢然自得御
史行部以茂才薦署饒州路長薊書院山長未
行疾作忽夢作童汪躋贊知不起竟卒年四十

四門人宋濂等私諡淵穎先生有集

胡古愚淵穎詩序立夫負絕倫

之才少時讀書日記數千言下筆爲文如雲興水涌凡天文地理并田兵術禮樂刑政陰陽律歷下至氏族方伎釋老異端之書靡不窮考

於經史益研精究其指歸故發為議論滔滔汨汨一瀉千里 宋景廉
浦陽人物記嘗言作文如用兵兵法有正有奇正是法度要部伍分明
奇是不為法度所縛舉眼之頃千變萬化坐作進退擊刺一時俱起及
其欲止什自歸什伍自歸伍元不曾亂聞者服之晚自號澗農山道人
又淵顯先生碑取春秋傳五十餘家各隨言而逆其意一以理折衷
之譬猶法家秦獻傳逮爰書既得其情而曲直真偽無所隱至若繁露
釋例蔡例辨疑敬吉折衷權衡意林通旨之類皆有論著復謂孟子乃
亞聖之大才司馬遷不當使與鄒衍序于彪慎則荀卿墨翟尸家樂盧
同傳因刪去諸子益以萬章公孫丑之徒作孟子弟子列傳代古樂府
不同郭茂倩不當但取標題無時世先後就其所以辨其時代使各成
家名樂府類編古之賦學專尚音律必使宮商相宣徵羽迭變自宋玉
而下惟司馬相如揚雄枚宗元能調協之因集四家所著名楚漢正聲
其他著述不能殫舉又云少有大志專思澤物不欲以文士名每慕張
宣公為人推明義利雖一毫不苟取身雖羸弱不勝衣雙瞳碧色爛爛
如嚴下雷見者收容鑿我精絕人以古文試之察其辭彙即如某代某
人所作當其賦詠捷如雨風一日於故人家見几上堆列紙數十番戲
為長歌頃刻而盡屬對嚴巧文不縛體觀者驚以為神 又私諡嚴
義元溪非淵而何文辭易敏非穎而何於是私諡曰淵穎先生 王阮
亭古詩選凡例元詩靡弱白虔伯生而外惟吳立夫長句瑰璋
有奇氣雖疎宕或遜前人視楊廉夫之學飛卿長吉區以別矣

金華詩錄

卷十四

二

觀孫太古周天二十八宿星君像圖

大園杳何極鼇柱屹不傾日月光最耀衆星莽縱橫周
天二十八錯絜各有名荒哉審厥象晃朗奪目睛東垣
青龍窟西圍白虎蹲翽飛鳥隼狀偃伏龜蛇精紫宮自
然拱銀漢無復聲五行所經緯甘石知性情上界足官
府神人居穆清韡曄逞幻怪鵝鵝顙振鏗轟跳跟鬼腳捷
訥談獸面幘衣裳互躡襲角鬣紛披鬣豈其大白變嬉
戲類狂櫻或者熒惑動威怒流儻槍照臨多芒角躔次
在縮贏揣摩過人料綵繪非世程伊誰駕一氣得以導
九坑想象凌倒景觀遊撫層城虛空何宮宇蒼莽執節

旌母寧秉筆際溘此埃風征凡夫本狹見四顧惟寰瀛
夜又冰澁呀羅利炎徼睽鮫女買綃出狗夫銜筭爭祗
疑列宿質卻混殊方岷山神對我博刻石華山徑海神
靳我畫浪卷滄海鯨天神詎可識萬古欺聾盲星占世
有職畫史吾奚評

阮亭謂淵穎七言瑰瑋有奇氣今讀五言長篇亦如
司空表聖稱韓吏部若掀雷掣電扶於天地之垠也

問五臟

我問昔生我繫胎果何神上顛下負陟五臟交錯陳胎
經已不足乳湏復不勻黔雷不我職粉飾強爲人自宏
多蓄害無以保命真元氣日晷敗客邪作艱屯彼何瓠
而肥言貌勇若震此何徽而瘠肢骨弱不伸嗟夫賦命

元
金華詩錄 卷十四

三

間豈不汝由因我誠不汝慊嬴嗇胡不均五精被我惱
訴我上蒼晏恍然欲我答天道汝當遵粵自汝有生躔
次逆星辰矧從汝生後戕賊遂汝身心兮本中居與汝
相主賓汝何不祗敬狂役類風輪坎離漸違行龍虎起
戰嗔一元竟不守散入萬微塵惟脾制水穀四體承華
津肴馘噤汝口酒漿絕沾脣司祿不上計畀汝藜藿貧
飢腸常九回苦吻添荆榛何天不汝錫服用無箱困抑
汝弗事天寢食失鼎茵天本不病汝汝實使病臻汝仍
不耐病虛躁復善蠶內虧但外養衆藥聚毒芬金石草
木蟲亂投劇斧糴五精恆不寧乖沴積相熏寒增熱或

壯頃刻異冰薪當知汝五臟獨不與汝親何庸汝反詰
門我似越秦吁哉一臟損五臟遽不醇齒牙漸彫露膚
肉還削皴汝徒職汝職軀殼有君臣天曾盡賦汝造化
匪不仁我聞五精言鑿鑿總有倫曰人本之天辟若泥
在鈞一時巧相值萬物混無垠聖愚且同羸毛介與角
鱗我惟有心肝是號橫目民心肝旣屬我榮衛盡網緼
徧歷燥溼滑備嘗酸鹹辛虐汝重役汝汝得我緇磷蚯
蚓尙無臟靜夜解唱呻蝴蝶亦復然翾飛媚陽春彼寧
心肝具物性各有循繆納或土化死生僅昏晨自今我
卽安無往不寵珍忍令百歲後銷變爲煙燐曲肱便筦
將何所云作詩示同黨聊以博笑忻

時讎

古人重讎疫時俗事禳穰歲陽欲改律輿鬼侵耀銛厲
神乃恣肆魃蜮并猖狂倭僮幸成列巫覡陳禁方虎頭
眩金目元製炳赤裳桃弧岐菑沴豆礫斃殫剛八靈悉
震懼六合高寒張清寧信不害動靜維吾常世途頗險
韃人魅更跳梁狐鼠戴介幘夔魑竊香囊煎熬到膏體
擊剝成疔瘍乘風作國蠹抵隙爲民殃自從九鼎沒誰

使百怪藏瘞寒服禡帛飢窶食閑糧蘆花蔽汝體橡栗
饑吾腸地膚竟卷去天孽俱彫傷神荼欲呀啖蟠木蔓
不長蒙俱強顏貌枯竹無耿光聖言爲近戲五祀徒驚
惶惜哉六典廢述此時儼章

小園見園丁縛花

我嗟衆草木高出陵雲端叢生或滿地品彙可不完山
園我栽蒔作此小屈蟠龍頭何其蠢鳳翼乃若干胡然
贊化育任意騁雕刻勾萌欲旁達節日終液橘縈迴挾
煙彩刻剝獻兩癡立身旣不直生理寔彫殘春陽彼一
時花發黃白丹歌謳雜舞吹酒炙飫楛梓歲晚忽焉至

元

金華詩錄

卷十四

五

北風吹汝寒皮膚蚤蝟蝕骨髓思枯乾聖人治天下萬
國無不歡視民本如傷動植總相安刑名威雪電劔戟
血波瀾廟堂苟失策閭里轉窮殫彼哉彼園子此况儒
爾冠人生但心勦若處得體胖我方卽移汝前有蒼蘚
壇世非郭橐駝何以垂鑒觀

小中見大言外有意
此種詩風人之遺也

夕汎海東尋梅岑山觀音大士洞遂登盤陀石

一望日出處及東霍山回過翁浦問徐偃王舊

城八首

小月出天末水風生晚寒扁舟劃然去萬頃相渺漫星
河白搖撼島嶼青屈盤遠應壺嵩接溪已雲夢吞蟠木

繫余纜扶桑纓我冠寸心役兩目少試鯨魚竿
起尋千步沙穿石塞行路怒濤所撻擊徒以頑險故卓
哉梅子真與世良不遇上書空雪衣燒藥迺煙樹元螭
時側行縞鶴一迴顧從之招羨門滄海晝多霧
茫茫瀛海間海岸此孤絕飛泉亂垂縷險峒森峭鐵天
香固遙聞梵相俄一瞥魚龍互圍繞仙鬼驚變滅舟航
來旅游鐘磬聚禪悅笑撚小白花秋潮落如雪
長嘯山石裂我今在東溟游日出重徼褰衣窮絕陁奇
氛抱珥赤遠影摩空青想像賜谷水裴回燭龍形晨昏
相經絡稚耄不得寧豈若柯斧爛看碁了千齡

元

金華詩錄

卷十四

六

遙觀杳無極宛與東霍鄰悲夫童男女去作魚驚民紆
嶼尙餘聚蓬山寧爾神古擢苔駐跡仙枰竹祛塵短褐
徒爲拂飛槎邈難親好攜支機石去躍織女津

笑揮百川流東赴無底壑青天分極邊白浪屹爲郭弁
裳或時采椎髻亦不惡投珠鮫人泣淬劒龍子愕海宮
眩鱗纒商舶豐貝錯盍不呼巨鵬因風泝寥廓

老篙迴我舟沙畧晚煙起蒼茫魚鹽場寂歷鼓吹里人
民悲舊王歲月祀遺趾終捐玉几研不揀朱弓矢東西
入駿馬今古萬螻螳此事如或然須湔會稽水

我行半天下始到東海隅水落蕉石出中飛兩鵝鷓情

知瓊奇產勢與險阻俱在夷豈必陋雖聖猶乘桴抗風

丹穴鳳尾雨青邱狐幸隨任公子不愧七尺軀淵頴海東州盤陀石

上觀日出賦略云粵東遊乎海徼兮得偉觀於陽阿登盤陀之疊石兮路嶮巖以
巖峩天維號而夜半兮瞰欲出於重波沈元幕之沈黑兮焰火輪之蕩漾嗟世靈
之安在兮向昧冥而未旦睹帝車之斜遙兮耿星宿於霄漢漸島嶼之奇鮮兮益
淼茫而瀾漫恐闐闐之猶夢寐兮類螿蟻之惛亂胡乾極之牽掣兮嚴機軸之翕
張固壘泉之歛潮兮煥潛燧之奮颺燁燁鳥之耀焜燦爛兮渴喙解羽翫以迭礪
鹹燭龍之燄炳瑣昱兮熾頌燭目頽其方驟縣播鏡之榮灼放爐兮駭人泉客副
瀛有光振頌鼓之森燭炫輝兮北落壁壘巖巖嶙嶙前行指彩虹之抱戴珊瑚珍錯
燦朗縹緲迺皇想朱鳥之次舍軌度兮豁達闐闐轆轤銜乘騫涉潮水之顛倒
推盪兮散曉振霄氣之輭鷲彩章
迺蜚騰於雲霓兮竟賡眩于混茫

還舍後人來問海上事詩以答之

去家纔五旬恍若度一歲豈不道路艱周流東海濤故人喜我返來問海何如所經何城邑相去幾里餘我言

元 金華詩錄 卷十四

七

始戒塗尚在越西鄙隨波到句章滿日但積水人云古翁洲遙隔水中央一夜三百里猛風吹倒檣初從蛟門入極是險與惡白浪高於山神龍習以躍似雪復非雪倚檣欲上看舟子禁不可使入舟中蟠尋常重性命今特類兒戲信哉昌黎言有海無天地掀掀終達岸鹽鹵間黃蘆人煙寄島嶼官府猶郵墟水族紛異嗜魚鰕及嫌螭我寧不忍餐抹薛相吐沫荒塵棲我髮旭日照我身似聞六國港東壓扶桑津或稱列仙居去此亦不遠蟠木秋更花蓬萊闢真館我非不願往此險何可當天吳布牙爪出沒黑水洋於奇豈易得似足直一死方去

徒自驚既歸亦云喜珍重故人言勿以險爲奇茲行已
僥倖慎勿疾平夷雖然此異鄉固是難久客聖出風且
恬時清海如席我猶愛其然恨不少淹畱爾毋爲我懼
遭此千丈虬試看塵世間甚彼大瀛海衣裳日沉弱篙
艣相犇潰犇潰孰能救沈溺將奈何口喏舌不下聊爲
故人歌

淵穎自東山水古蹟記略云秦定元年夏六月自慶元桃花渡覓舟而
東倚海有招寶山前至峽口怪石故險離立南曰金雞北曰虎蹲又前
爲蛟門峽五浪激碎爲零雨或遠如雪山水岸挾風力作聲勢崩擁舟蕩蕩與上
下又前爲三山大洋山多磁石舟板釘鐵近山則膠制不動昌國境也東從舟山
過赤嶼轉入外洋望峯山山由白文東到梅岑山梅子真殞藥處楚書所謂補
陀洛迦山也唐言小白花山自山東行西折爲觀音洞洞瞰海外曠中麋多罽兩
岐亂石如斷圭怒潮攪擊晝夜作魚龍吼聲又西爲香財洞峭石巉足泉流湍滴
懸纒不斷前入海數百步有礁土自山北轉得盤陀石東望首首想像高麗日本
界如在雲霧蒼莽甲日初出大如米籬海盡赤帶雲掩蔽空水弄影恍類鋪僧伽
黎衣或現或滅南望桃花馬秦路山嵌空刻露屹立巨浸如世襲太湖靈壁不著
元

金華詩錄

卷十四

八

寸土尺樹天然可愛東南望東霍山多大樹徐市蓋駐舟此土有蓬萊山泉山四
圍時立旋繞小噴屹如千尺樓臺而中處又有紫霞洞與山爲鄰中畔通明潮退
可入或云不可到海懸石神仙題墨漫不能辨又有沙山細沙所積海日胎之
有甚旁有石龍脊白角爪鱗鬣其蜿蜒跨空三十里舟經其下西轉別爲洋山
又北爲胸山岱山石蘭山又自北而南則爲徐偃王戰淖世言偃王旣敗不之彭
城而之越棄玉几研會稽之水又南爲黃公墓赤刀厭虎不行爲虎食也 淵穎
航海諸作前八章記程誌卽目之奇此章告

友懷涉險之戒合而觀之想見立言體制

觀齊謝元卿五泄山遇仙記寄題五泄山寺

曩聞一奇士澗入五泄行五泄何處所長溪繞崇岡微
風生天籟急瀑灑石梁金磬竄欲響縞衣爛迴光綺伎
開朱閣靈仙坐玉堂僂倭卽進謁表回遽鳴璫幸汝得
大藥於茲赴元鄉元鄉且畱宴機臆勿發狂高坐瓊輝
施碧幃琳華張芝英雜桂騰螭隨間鳳漿大容揮四弦

王母彈八琅羽旗素蜺騫黼轂騰蛇驤眼珠便爽朗肌
骨遂馨香日星恍在北海嶽極渺茫嗟余頗探勝古路
但縱橫青童邈不見寶利屹相望山峯插煙霧潭級跳
冰霜螻蝥小窟穴蜉蝣亂飛揚終然雲錦笈照以虎聲
囊千年或頃刻萬里忽扶桑謝卿自獨往矯首盍迴翔
笑採金明草浮顏安可常

宋景濂五泄山水志五泄山在婺杭越三州境上其山水最奇峭齊謝元卿嘗以采

藥墮入其中而宋刁景純吳處厚亦頗游焉諸峯星聯肺附登名圖籍者七十有二東潭飛瀑可二十丈第一潭潭如井曉之黑投以小石鏘若佩環第一潭圓如鈞釜面廣底敞潭下石壁百餘尺第三潭甚深以綫繩之下不見底第四潭咸不敢往或以絢圍腰繫杖倚崖而瞰潭左右皆楓木第五潭卽東潭因其水五級故名之

爲泄云

觀秦丞相斯鄒嶧山刻石墨本碑

元

金華詩錄 卷十四

九

鄒嶧之山在何處始皇立石改名號史籀古文相斯變
蛟龍盤崛獨精到自都咸陽制六合曰救黔首烹強暴
鑿溪擅更秦新法繁縟盡剗周末造掃除并田設斗筲
邊滅封建廢圭珣收兵鑄鏐銷凶器斥塞築城斬梟鷲
當時大開阿房殿萬世永戴黃屋轟胡亥矜慢不改轍
趙高指麾豈謂孝四極巡游何功德羣臣刻頌直昇冢
金虎淪亡竟不守白蛇劍死徒驚譟荀卿著書本性惡
弟子承學愈言耄古今聖賢使閔哀五三載籍遭煨燬
越人烏駭汝苦兵斬卒狐呼汝名盜宐哉東市得具刑
矧痛吾儒有名教太平真君一拽倒枯篁野莽火就燥

篆家法妙尙鈎勒棗木字肥略顏貌陽冰石經欲鸞乳
楚金蠟匾猶踏踏文章諛佞合鐫削筆墨瓌絕強則傲
小齋客至無寒具明窻淨几急灑掃後代續刊縱膚淺
先秦遺蹟信堂奧鵝鼻峯頭不可上魑魅晝泣駭熊豹
會尋碣石探之罟乘興去浮滄海權

題錢舜舉張麗華侍女汲井圖

景陽宮中景陽井手出銀盤牽素綆鉛華不御面生光
寶帳垂綃花妬影臨春結綺屹層空璧月瓊枝狎客同
駕央戲水池塘雨蛺蝶尋香殿閣風日高歡宴驕若訴
牀脚表章昏不寤吳兒白袍戰鼓死洛土青蓋降船渡
元

金華詩錄

卷十四

十

井泥無波井闌缺半點煙脂汙緋雪蕙心蘭質吹作塵
日斷寒江鎖江鐵

題李伯時寶津騎士校馬射圖

東都天子幸寶津左右突騎多近臣少年據鞍卽齊足
青柳絳綃不遺鏃前手引弣如附枝後手放箭箭不知
羽林劍客塵霧瀾蘭筋蕙腕電聲馳先朝射伎兵恨弱
舊柵毬門馬驚躍軍書到夏風噴河使節通遼雪跑幕
南宮試士親見來筆下俊逸真龍媒澄心一紙依稀在
畫家六法猶神彩誰歟醇駟誰牛車收盡騏驎策蹇驢
男兒虛用懸門弧嗚呼壯哉彼武夫

黑海青歌

越山山有黑海青長拳快眼健羽翎三年籠養未得飽
萬里驍俊猶飛星黃蘆老葦日摧折白鷺文鶴看磔裂
星沾石積入遠風隨擊寒岡散輕雪伊人脫手本凡禽
歲晚連條到上林鉗奴素賤多侯骨騎士虛豪卽俠心
晉官邸廢身欲死燕國雲銷草如砥嗟非鸞鳳高杳冥
望盡狐狸衆披靡當時奉使探遠巢兩徼馳兵聞勇塞
南土誰知此鷲猛北州驟見爭鷲號天鵝薄天垂爾翼
海青雖黑打可得太平八極無不通函谷何問關西東

題袁子仁所藏已船出峽圖

元

金華詩錄 卷十四

十一

巴山一帶高崔嵬巴江萬里從天來前夫疾輓後夫推
黃牛白狗遠船開曉風東回水西上淫瀕堆頭伏如象
盤旋鳥道怕張帆汨沒龍淵驚棹槩世人性命重濤波
吳鹽蜀麻得利多怪石急流須勇退貪夫險魄漫悲歌
神禹醜江江更惡五丁鑿路空巖嶸舟船可坐尙髮危
棧閣能行終淚落嗟茲舉目無不然直愁平地卽山川
至喜亭邊聊酌酒長年三老好攤錢

觀唐明皇羯鼓錄後賦歌

上皇天寶全盛年花奴抱鼓蹋御筵頭如青山屹不動
手似白雨敲圓棬大聲嘈嘈忽放肆都曇答臘矧敢前

小聲嚨嚨復漂稜耶婆色雞最可憐風吹官牆欲罷遂
月照邈邈徒揮絃纖纖不起見秋爽萬杏爭發催春妍
雅琴清商卻爾叱蕃部坐伎還相宜招來燕冀有巨盜
打破河涓無人煙古先聖入本淡泊堂上堂下俱宿縣
音和氣順遠感名鳥獸率舞殊踴躍後世辟王寢靡靡
朝歌北里囚師延迷魂淫思若宛轉鐘磬散亂終沉淵
吁嗟西京正宸極騁望兩海際幅員金甌一缺遂不補
寶鼎大震幾於遷心貪青伎日蝕甚坐鑊藩限空茫然
一時戎兵共衽席滿耳鼓樂皆戈鋌宋公正好正好宰相
魯山花萼聞獻祿百年治亂總由天羯鼓遺聲傳不傳

元

金華詩錄

卷十四

七

魯山花萼聞獻祿

百年治亂總由天

椀珠聞自官掖來長竿寶椀手中迴日光正高竿影直
風力旋空珠勢側當時想像鼻生蔥宛轉向額裁芙蓉
筋頭交筋忽神駭矛葉舞矛憂技窮昔人因戲存戒懼
後人忘戒但戲豫漢朝索撞險還愁晉世枯梓危不寤
徘徊徘徊奪日晡欹欹傾傾獻玉嬰滑涎器從龍堂出
輝燿命與鬼骨爭君不見王家大孃材蕤絕勤政樓前
戴竿折市人譁笑便喧城驚動金吾白梃聲

陳彥理昨以漢石經見遺今承寄詩索石鼓文

小禮制答以此作

橫山先生多古玩太學石經分我半魏公世藏資州本
金石錄中還散亂當時愛奇巧收拾筆畫昭回映雲漢
流傳到我乃不遠虬甲鳳毛真可惋自從得此未有報
岐右石鼓天下觀昔則敲火今斷白駱駝載歸石盡爛
倉沮以後卽史籀先代遺寶列圭瓚中郎變篆生八分
二者不敵何足算先生嗜書出法帖青桐墜壁手脫學
漆書科斗不通俗蛇蚓蟠結強塗竄先生博學抱聖經
焚膏繼晷日眈翫草編鐵摘只紙傳鄒魯精髓合淹貫
國子門開塵沒城蓬萊閣廢草堆岸春秋徒聞壁可假
道德詎信鵝能換古今所重在周典周史面目極敝數

元

金華詩錄

卷十四

三

聖心不死不在石日月行天且復且吾家故紙本不惜
驪頰有珠吾欲鍛向來見辱亦云然焦尾之餘爭免擧
先生安坐幸勿躁歲晚相逢笑拍案屏除許事不須說
好與吾儒峙楨幹

同吳正傳詠龔巖叟小兒高馬圖

北平援臂久不侯伏波矍鑠空持矛并州小兒十歲許
雙足疾走真驕駟金鞍玉勒絲纏絡肉鬣風鬣雪齟齬
郊衢一躍自矜驕血氣未完先躡躑漢皇文武駕英雄
西極飛來八尺龍城東門雞爾尙可磧外鳴劔吾無功
初陽卻照長楸道白髮奚官泣枯草悠悠翠蓋與鸞旗

老矣驂驅那得知

盜發亞父塚

盜識寶氣於亞父塚上發之得一劍見虞伯生詩注

楚王昔尊楚亞父楚人今發亞父墓南山鑿石下懸棺
寶劍燭天知劍處當年奉劍重瞳光左右膝走諸侯王
劍鋒掃秦柄奪漢梁楚闢作馳兵場起撞玉斗啖豎子
戰肉烏鳶骨螻蟻烏江得死不得葬憤膽冤腸終不死
東陵老盜會膾肝丞相摸金仍置官大儒揮椎小儒唱
奇寶拔窳蛟龍寒君不見秦皇一死驪山改亞父猶能
數千載我今豈識亞父誰鳧雁秋風散銀海

荀將軍歌聞有得漢衛青玉印者賦之

金華詩錄

卷十四

十四

昔聞衛將軍起自衛子夫姊爲皇后弟爲奴親提漢兵
北擊胡旌旗劍戟罷熊羆指揮六郡良家子輸給三邊
幕府租血流余吾斷斥侯魂駭老上燒嘗廬天子召見
錫印符鑿歌騎吹凱入都椎牛醜酒啓鞠室饗士論功
懸箭筈平陽故侯丈二爰寡主忸怩膝走趨兩見佩綬
光耀軀外虓內煽絕代無荆玉方寸溫且腴古文繆篆
名姓俱螭尾壓紐巧盤拏盾鼻磨墨急檄書史傳數紙
邱山如王侯螻蟻但須臾土花苔葉空模糊何人手曾
秉鈞樞何人身已返隸弩音貧今富鼠作虎昔富今貧
鵠化鳧感時撫舊歎以吁淮陰鐘室彭越菹良弓猛狗

諺不誣衛青玉印千載餘珍重漢皇宏遠謨

韓蘄王花園老卒歌

蘄王手種紅錦花十載不挂鐵鏗鍛花園老卒守花樹
睡著花磚聞曙鴉白頭白盡身無事古塞沙塵戰餘騎
多士如雲足健兒一奇在腹終顛顛青銅萬縉滿地光
寶函矯節賜夷王宮裝粉艷去酣酒海貨珠琛歸壓檣
王家舍兒驚吐舌御府珊瑚碎飛雪口猶乳臭卻帳前
矍鑠一翁嗟棄捐君不見天下英雄本奴虜左鼻成龍
右鼻虎頸血淋漓息覺鼓史傳沈薶誰比數花落花開
幾風雨

元

金華詩錄

卷十四

五

寄陳生

落日未落山崿崿我所思兮抗蘄巖豈其徒行固不可
亦有健馬可著銜胡然獨處不我卽坐以魯史攻訖誦
更疑弄筆發古帖先漢廢碣求鐫劔於茲孰不我傾倒
但或嗜好殊酸醎結交似子乃有得肯使繫屬非游繆
今年一出本浪戰滿地插棘疇能堅鹿盧大劍區冶鑄
靈鬼夜泣蛟龍函蚤是鉛鉛不我辨彎弧底用窺熒攬
縱爾奇文聚怪鷗政如絕力鞭神臧邯鄲道士尙故步
我要我襟空餘襪母寧容刀與墨水枉使衆口相爲讒
秋風吹江晚更急薄暮徑去懸蒲帆自期共作制勝策

酷類田父收盧穰杏花一色直不遠繡綫巧蹙行春衫
黃精苗枯不足惜白木敢負吾長饑嗟哉鹵莽又滅裂
但有萑稗無人芟待教將投乃壺哨猶恐未陳卽鼓儼
參乎賜也必一貫曰啖曰陸但通凡尋常可力不自力
不畏天顯兼民崑子來不來我亦別淡裏深處多松櫨
臨篇草草遠報我愁思滿臆何庸緘

新開河口同方養心望東嶽

羣山突兀來崑崙綿亘萬里如兒孫云何泰山壓東魯
峭立獨作羣山尊高摩蒼穹幾千仞倒入巨海相吐吞
風雲欲納制水旱日月隱見開晨昏嘗思一舉小天下
元

金華詩錄

卷十四

六

俯視人世爭誼誼鄒嶧如錐掎遠翠黃河若帶澆餘渾
自從無懷講封禪金繩石碣半不存文園草文亦已死
漢帝需禮終難論朝馳蒲輪木石老夜弭玉節虬龍翻
世今極治四海謐事有未舉羣臣奔伊余遠游困羈旅
復此翹望愁攀援偏憐靈芝太古色不到上界勾陳垣
浮雲微茫數尺樹落日慘澹三家邨寧知東巡頌功德
但祝南面安黎元之人素謝域中戀誰遣巫陽招爾魂
平生空持赤玉鳥此去恐負青霞言苦吟夢入太白雪
長嘯衣帶扶桑暎居然飄零斷地脈久矣恟恍談天根
我還呼酒酬蒼蘚笑挾服間驂羨門醉中同駕六鼇去

何用回首悲乾坤

風雨渡揚子江

大江西來自巴蜀直下萬里澆吳楚我從揚子指蒜山
舊讀水經今始睹平生壯志此最奇一葉扁舟傲煙雨
怒風鼓浪屹於城滄海輪潮開水府淒迷灩澦恍如見
濟混扶桑杳何所須臾草樹皆動搖稍稍鼉鼉欲掀舞
黑雲鯨漲頗心掉明月貝宮終色侮吟倚金山有暮鐘
望窮采石無朝艣向來天塹如有限日夜軍書費傳羽
三楚畸民類魚鼈兩淮大將猶熊虎錦帆十里徒映空
鐵鎖千尋竟然炬桑麻夾岸收戰塵蘆葦成林出漁戶

元

金華詩錄

卷十四

七

寧知造物總兒戲且攬長川作樽俎悲哉險阻惟白波
往矣英雄幾黃土歎思萬載疏鑿功吾欲持觴酬神禹

女殺虎行

山溪日落猛虎行長風振木威鬚鬣父樵未歸女在室
心已與虎同死生揚睛掉尾腥滿地狹路殘榛苦遭噬
豈非一氣通呼吸敢以柔軀扼強鷲君不見馮婦來下
車衆中無人尙負嵎又不見裴將軍出鳴鏑一時鞍馬
俱辟易丈夫英雄卻不武臨事趨趨汗流雨關東賢女
不足數孝女千年傳殺虎

客夜聞琵琶彈白翎鶻

白翎鵲東海來十里五里何摧頽一飛飛上青霄際再
飛飛墮黃沙堆少年臂蒼鷹齊出跨駿馬放鷹一馳躍
與鵲相上下身佩木弓射必命中中壘雙蹠血芟毛天
欲雪摩雲壓草地多風衝突三邊有意氣指揮八極無
英雄白翎鵲西海去千里萬里何軒翥一飛飛上賀蘭
山再飛飛到鐵門關少年領強兵乘勝卽轉戰戟頭吹
火光旗幟舞秋練手持生鐵刀空城烏雀盡死麋麋鹿
瘡痍無處避角端躑躅向人號收拾廣輪奐都邑肅清
星嶽靜波濤白翎鵲東海西海都驅霸太常召見日月
出治定禮行功成樂作大雅清商久寂寥鷓鴣雞邏娑多
元

金華詩錄

卷十四

六

絃索上林花開蚤浮豔榆塞葉落終迴薄一聲高一聲
低一聲懾懾百虎豹一聲束縛千鯨鯢白頭漢士聞先
拍青眼胡兒聽卻啼君不見康崑崙羅黑黑開元絕藝
傾一國若還睹我白翎辭二十四絃彈不得

白鼻騮

白鼻騮白鼻騮當軒迴立噴風沙名騮畱良定北土蹇
驟索價猶東家青松縛桺曉安阜紅錦裁韉春映草支
遁心機愛神駿伏波骨立驚衰老去年禁馬無馬騎天
下括馬數馬皮浮湛鄉間萬里足笑傲品秩千金羈幸
哉漢武重修政往矣劉聰真覆鏡立防戰備要馬稀藏

富民寰須馬盛向來河隴色爲羣目極川原亂若雲
人徒行未足恤世間醇駟何由得

劉龍子歌

劉龍子龍子出山龍母死一雙赤鯉勝來多元龜獨戰
翻天河山頭種楓高不得楓葉落波秋正黑潛游蟹斷
烏無人飽啖蝦鬚漢作國巢湖龜眼看欲紅邛都魚頭
闕爲官絕磴懸梁但一勺雲綃霧縠餘長風劉龍子龍
爲龍猶念母栢江治海歸何所研中墨水吾乞汝昨夜
蛇醫送飛雨

寄張子長三十韻

元

金華詩錄 卷十四

九

世豈無推輓人誰有典刑稍懷南國彥恆媿北山靈萬
里麻衣敝千年竹簡青義文先索象魯頌或歌駟杞梓
儒林挺魚龍俠窟鯁塵埃完結絲紛黛飾娉婷脫略蘇
張弮漸摩管樂硯道途餘雪屨巖穴但雲扃本擬陳三
策吁嗟守一經跡卑淪燕雀踪遠及猿挺種菊行荒援
看松俯絕陁仙棋閑度日旅劒懶占星故里青桐巷雙
溪白鷺汀交遊多握手歲月此忘形志氣需來哲才華
壓妙齡秦坑收末燼漢柏浸奇馨正器陳籩豆專門識
鼎錙犇騰鞭用駿袒褻割分腥卓立撐喬嶽孤流混濁
涇鵠飛持或布鯨吼扣非莛別袂逢秋怯鄰鐙入夜熒

沈沈猶在野憲欲揚廷舜殿瞻儀鳳堯階數歷冀螭
劫文錦褥獸闈紫金釘列徼環霄漢游車發震霆袖書
官命史吹律樂求伶迅奮君須競樓遲我未寧簷風歌
警枕井雨泣羸瓶古陌垂楊柳空山老茯苓只今馳尺
楮何所問南濱

詩數元五言可摘者吳立夫麀飛馳馬埽雪擁讀書體極
道傳大者無蒙給輕寒已御貂皆向格閱整大歷元和間

殊不
多得

寄喻國輔張宏之

手挾殘編只壺塵山林著我最閒身
檣梧可據瞑須熟
華黍雖亡補欲真
危坐但看鐙作暈
遠遊還覺劍生鱗
枉思正是多風雨
滄海無涯可問津

元

金華言錄 卷十四

子

題趙大年林塘秋晚圖

老景青黃筆底收
晴鳧冷雁共汀洲
王孫畫學空花竹
不到銅駝陌上秋

10807

